रतनहजारा

रसनिधि कृत ।

जिस्कं

श्रीमन्महाराजाधिराज प्रमुखंशावतंस छत्रपुराधिप श्रीमहाराजा साहब श्रीराजाविश्वनाथसिंहजुदेव बहादुर की श्राज्ञानुसार श्री बाबू जगन्नाथप्रसाद कायस्थ श्रीवा-स्तव हेड अकोण्टण्ट वा सरदफ्तर माल

राज छतरपूर (बुन्देलखण्ड) न

बड़े परिश्रम से टिप्पन वा शोध करके तयार किया। इसका पूर्ण अधिकार बाबू रामकृष्ण वर्मा को है।

काशी । भारतजीवन घेस में मुद्रित हुआ ।

सन् १८२ इ. ।

भांमेका।

हम को बहुत दिनों से इस बात की खोज था रसनिधि कवि कृत रतनहजारा का पता लगा कर छापा जाय। अनेक स्थानों में इसकी खोज की किन्तु कहीं भी पता न लगा। एक दिन साथही पन्ना और छत्रपुर दोनों जगहों से पत्र आये कि यह अपूर्व यन्थ मिल गया है, तदुपरान्त श्रीयुत बाबू जगन्नाथ प्रसाद जी ने अत्यन्त परिश्रम कर इसे शोधा और यहां भेज दिया और सर्वसाधारण के समझने के लिये ह-मने भी अनेक स्थानों में टिप्पणी कर दी। रसनिटि। जी का जीवनरुत्तान्त अभी तक हम छोगों को ए नहीं मिला है, मिलने पर वह भी प्रकाश किया जायर् रामकृष्णवम्मी ६ अप्रेल १८९२

भारतजीवन सम

श्रीगणेशाय नमः।

अथ रतनहजारा प्रारम्भः।

दोहा।

उसत सरस सिन्धुरवदन (१) भा**उथ**छी नखतेस (२) । विघनहरन मंगळकरन गौरीतनय गनेस नमो प्रमपरमारथी इह जाचत हों तोहि नन्दलाल के चरन को दे मिलाइ किन मोहि॥२॥ नमो प्रेम जिहि ने कियो हिय लग आइ प्रकास रंगरत वासी नाक कों कान्ह गोपकन पास निसिदिन गुंजत रहत जे विरद गरीवनेवाज है निज मधुकर सुतन की कमलनैन तुहि लाज ॥४॥, वरन मधुर सुन्दर अरथ हरि सौं हित निरधार रसनिधि सागर मथ ठये दोहा रतन हजार ॥ ५ ग्रय भन्तभाव। अव तो प्रभु तारें वने नातर होत कुतार तुमहीं तारन तरन हो सो मोरे आधार ॥ ६ । एक सुवस वसत ते चित नगर जहां वसत हरि आइ ऐसे तो ऊजर परी तन की किती (३) सराइ

⁽१) हाथी।

⁽२) चन्द्रमा।

⁽३) कितनी हुं

विरहघाम इन पे जुबे तन को सहों न जाइ चरनकमल नँदलाल के तब हग लागत जाइ अद्भुत गति यह रसिकनिधि सरसं प्रीत की बात । आवतही मन सांवरो उर को तिमिर नसात विवछि [१] ययो मन लागि ज्यों ललित तमंगी संग। सुधों होत न और तिन नउत रहें वह अंग ॥१०॥ केंद्रक स्वांग बनाइ के नाची बहुविधि नाच रीझत नहि रिझवार वह बिना हिये के सांच ॥१९॥ जाको गति चाहत दियों छेत अगति तें राखि रसनिधि हैं या बात के भक्त भावगत साखि ॥१२॥ चित दें दियों बिसार जनु बिरद गरीबनिवाजि व्रजवासिन के दरद कों पहुँचत नहि व्रजराज॥१३॥ अम्बुज चरन पराग हर रही धरन व्रज पूर अजों परेसे तन करत वह बिरह बिथा को दूर ॥१४॥ अनि गोपी धन ग्वाल वे धनि जसुदा धनि नन्द । जेन के मन आगे चर्छे धायो परमानन्द मादि अन्त अरु मध्य में जो है स्वयंत्रकास ्राके चरनन की धरें रसानिधि मन में आस ॥ १६॥

काल पखेरू तैं सही यों तनखेत उबेर यह बिरियां ऐसे समय हरिया हरिया टेर * ॥ १७॥ यह प्रसिद्ध है रासिकानिधि मनमोहन की बात पनिवारे(१)घट में बसे पनि घटि(२)ओर न जात ॥१८॥ भूले तैं कर तार (३) के रागु न आवे रासु यही समुझ के राख तू मन करतारें (३)पास ॥ १९॥ हार को सुमिरो हरघरी हिर हिर ठौर जुवान हर बिधि हरि के हैं रही रसनिधि संत सुजान ॥ २०॥ मजनू लख लै है गये लै ले लैले नाम अचरज कह जो कृष्ण किह मिले चरन अभिराम ॥२१॥ मिन समान जाके मनी नैकि न आवत पास रसानिधि भावक करत है ताही मन मे बास ॥२२॥ जिन काढ़ों ब्रजनाथ जू मो करनी(४) को छोर मो कर नीके (प) कर गहों रसनिधि नंदिकसोर ॥२३। रसनिधि वाको कहत हैं याही तें करतार रहत निरन्तर जगत को वाही के कर तार ॥ २४॥

^{*} खितवाले पिनियों को हांकने के लिये हिर्या हिर्या करके ललकारते हैं। (१) पनवारे अर्थात् पनवाले। (२) पनिघटिः अर्थात् जिस्रों प्रन न हो या कम हो। आर = तरफ।

⁽३) करताल, परमेग्वर। (४) कर्म। (५) नीके कर = अच्छी तरह -

तेरी गति नँदलाडले कछू न जानी जाइ रजह तें छोटों जु मन तामे बासयत आइ ॥ २५॥ सब कुद्रत तव काद्रां में करि रुजि से दूर रस खांकी तन को रवा आपु नूर से पूर ॥ २६॥ सब सुख छाड़े नेहिया तुव सुख लेत उठाइ सब सुख चाहत सबि रहे तुब सुख नही मिठाइ॥२७॥ मोहे नेकि न नेन जे मनमोहन के रूप नीरस निपट निकाम ज्यों बिन पानी के कूप ॥ २८॥ बेद्ब्यास सब खोजही नैक न पावति ताहि मोहन मन हग कराने कर ब्रजवालीन लिय गाहि मन तूं बोहन सों हमें काहे पारत बीच पगों रहत है रैन दिन रे विपयारस नीच 113011 रम्पति चरन सरोज पै जो अछि मन महराइ तेहि के दासन दास को रसनिधि संग सुहाइ 113911 भी चाहै तिहि चाहिये ज्यों उर छेवो हार स्याम सनेहन के कछू रसनिधि मते अपार ॥ ३२॥ घरी बजी घरयार सुन वजिके कहत बजाइ बहुर न पेहें यह घरी हरिचरनन चित ल्याइ॥ ३३॥ हरि बिनि मन तुव कामना नेक न आवे काम सपने के धन सों भरे किहि छै अपनो धाम ॥ ३४॥

जिन वारे (१) नँदलाल पे अपने मन धन ल्याइ उनके वारे (२) की कछू मोपे कहीं न जाइ हरिप्जा हरिभजन में सो ही ततपर होत हरि उर जाही आइ के हरबर करे उदोत ॥३६॥ रसानिधि मन मधकुर बसौ जो चरनाम्बुज माहि सरस अनुखुठो खुठत है खुठो खुठोई नाहि॥३७॥ रूप दगन श्रवनन सुजस रसना में हरिनाम रसनिधि मन में नित वसे चरनकमल अभिराम ॥३८॥ कपटो(३) जवलों कपट नहि साच विगुरदा (४) धार। तवलों केसे मिलेगों प्रमु साची रिझवार ॥ ३९॥ नेत नेत कहि निगम पुन जाहि सकै नहि जान भयो मनोहर आइ ब्रज वहीं सो हारे हर आन ॥४०॥ परम द्या करि दास पे गुरन करी जब गौर रसनिधि मोहन भावती द्रिसायी सब ठीर ॥ ४९॥ द्रह्माचान वर्नन ।

पाप पुन्य अरु ज्यात ते रिवृ सिस न्यारे जान । यद्यपि सो सब घटन में प्रतिविन्वित है आन ॥ ४२॥ आपु भँवर आपुहि कमल आपुहि रंग सुवास । छेत आपुही बासना आपु लसत सब पास ॥ ४३॥

⁽१) निकाबर किये (२) फायदा (३) काटौ (४) नाम हथयार ।

पवन तुहीं पानी तुहीं तुहीं धरनि आकास तेज तुहीं पुन जीव है तुही लियों तनबास ॥ ४४ ॥ बेखाये ते वेउफा बफा रहे ठहराइ मीने कीने दूर ज्यों तेही ते रह जाइ 118811 कहूं हाकमी करत है कहूं वन्दगी आइ हाकिम बन्दा आपही दूजा नही दिखाइ ॥ ४६॥ सांची सी यह बात है सुनियों सज्जन सन्त स्वांगी तो वह येक है वहके स्वांग अनन्त ॥ ४७॥ कोटि घटन में विदित ज्यों रिव प्रतिविम्ब दिखाइ। घट घट में त्योहीं छिप्यो स्वयप्रकासी आइ ॥४८॥ आसिक अरु महबूब बिच आप तमासा कीन ह्यां है अलगरजी करें हां है होइ अधीन ॥ ४९॥ छेत देत आपन रहे सिर अपने नहि छेत ह्यां हैं चित को छेत हैं ह्यांहैं चित को देत ॥ ५०॥ आप फूल आपुहि भवर आप सुवास वसाइ आपुहि रस आपुहि रसिक छेत आपु रस आई॥५१॥ ब्रह्म फटिक(१) मन सम लसे घट घट माँ स सुजान। निकट आय बरते जो रंग सो रंग लगे दिखान ॥५२॥

(१) सुफोद हीरा।

वही रंग वह आपुही भयो तिली में तेल आपुन बासो (१) सुमन है आपाँहे भयो फुलेल ॥५३॥ यों सब जीवन की लखी ब्रह्म सनातन आद ज्यों माटी के घटन की माटी पे बुनियाद(२) ॥ ५४॥ जलहू में पुन आप ही थलहू में पुनि आप सब जीवन में आपु है लसत निराली(३)आप ॥५५॥ अमल दिवैया आपुही अमल लिवैया आप अमल माझ जो अनिल वह रसनिधि सोई आप ॥५६॥ मोहनवारो(४)आपुही मन मानिक पुनि आप पोहनवारो आपुही जोहीनहारी आप 11 60 11 बंसीहू में आपही सप्त सुरन में आप बजवेया पुनि आपही रिझवेया पुनि आप ॥५८॥ बीज आपु जर आपुही डार पात पुनि आपु फूलहि में पुनि आपु फल रस में पुनि निधि आपु॥५९॥ पञ्चन पञ्च मिलाइ(५) के जीव ब्रह्म में लीन जीवनमुक्त कहावही रसनिधि वह परबीन

⁽१) सुगिस्ति हुत्रा। (२) यह भव्द फारसी का है अर्थ जड़।

⁽३) अलग। (४) मं हित होने वाला।

⁽५) पञ्चतत्व श्रीर को पंचतत्व में मिलायकर अर्थात् सृत्यु होने पर। पंचतत्व के नाम १ पृथ्वी, २ जल, ३ श्राम, ४ बायु, ५ श्राकाण।

आसिक हू पुनि आप तौं महबूबा पुनि आप चाहनहारों आप त्यों बेपरवाही आप 11 69 11 कुद्रत बाकी भर रही रसनिधि सबही जाग(१) ईंधन बिन बनियों रहे ज्यों पाहन(२)में आग ॥६२॥ अलख संवेई लखत वह लख्यों न काहू जाइ हग तारिन के तिलक की झांकिन झांखित जाइ।।६३।। तिलन मांझ पुनि आप त्यौं सुमन मांझ पुनि आपु। बासनवारो आप त्यों पेरनवारो आपु 118811 गरजन में पुनि आपही वरसन में पुनि आप सुरझन मे पुनि आपू छोट्टें इहा ह तार कहूँ तमासा देखही आप बैठि रिम्तवार ॥ इइ॥ नर पसु कीट पतंग में थावर जहुःस मेल ओट लिये खेलत रहें नयों खिलारी खेला। ६७॥ आपुहि वा महबूब में वेद्रदी सरसाइ आपुहि आसिक में इहां द्रद अँगेजत आइ ॥६८॥ हिन्दू में क्या और है मुसलमान में और साहिब सब का एक है व्याप रहा सब ठीर ॥६९॥

कहुं नाचत गावत कहूं कहूं बजावत बीन सब मै राजत आपुही सबही कँठाप्रबीन जल समान माया लहर रवि समान प्रभु एकं लहि वाके प्रतिबिंब कों नाचत भाँति अनेक॥७९॥ राई को बीसो हिसा ताहू मे पुनि आइ प्रभु बिन खाळी ठोर कहुं इतनोहूं न दिखाइ॥७२॥ अलख जात इन हगानि सो बिदत न देखी जाइ प्रेम कांति वाकी प्रगट सबही ठोर दिखाइ ॥ ७३ ॥ जदिप रही है भावती सकल जगत भरपूर बल जैये वा ठौर की जहाँ है करे जहर दीपक आपुहि था लिखों आपुहि हुआ पतंग आपुहि आसिक होइ के आपुहि डाटत अङ्ग ॥७४॥ कौन रीझवाये सके को बस करे रिझाइ आपु रिझावन हो रहो आपहि रीझत आइ ११७५॥ पंचतत्व की देह में त्यों सुर व्यापक होइ विस्वरूप में ब्रह्म ज्यों व्यापुक जानों सोइ ॥७६॥ रसही में ओ रसिक में आपिह कियों उदोत स्वाति बूंद में आपही आपहि चात्रिक होत घट भीतर जो बसत है हगनस वा की जोत देखत सब पे सबन में बिरल न जाहिर होत ॥७८॥ अलख सबें जापे कहें लखों कोन बिधि जाइ । पाक जात की रसिक निध जगत सिफात दिखाइ ॥७९॥ करत फिरत मनबावरे आप नहीं पहिचान । सोही में परमातमा लेत नहीं पहिचान ॥ ८०॥ सोरहा।

सो दीसे सब ठोर व्याप रही मन माह जो। सजन करि के गौर वाही को निज जानिये॥८१॥ दोहा।

वैठा है इस दलक बिच आपे आप छिपाइ। साहब जा तन लख परे प्रगट सिफात दिखाइ॥ युष सज्जनवर्णन।

तूं सज्जन या बात कों समुझ देख मन माह ॥८३॥ अरे दया में जो मजा सो जुलमन में नाह ॥८३॥ सज्जन हो या बात को किर देखों जिय गौर ॥ बोलन चितवन चलन वह दरदवंत को और ॥८४॥ इत जमना रमना उते बीच जहानाबाद ॥ ८५॥ सामें बस नेकी करों करों न बाद विवाद ॥ ८५॥ मीता तूं या बात कों हिये गौर किर हेर ॥ ८६॥ किठन दुहू बिधि दीप की सुन हो मीत सुजान ॥ सब निसि बिन देखे जरें मरें लखें मुख भान ॥८७॥

सीख सुधाई तीर तैं तज गति कुटिल कमान ।
भावे चिल्ला बेठ तूं भावे बिच मैदान ॥ ८८॥
सीरहा।
न जरे सहित सनेह, करे प्रकासित जगत जे ।

सीरठा।

न जरे सहित सनेह, करे प्रकासित जगत जे।

नजरे अचरज येह, बिन सनेह दुरजन करे॥८९॥

होहा।

हित मत जो जानो चहो सीखो याके पास।

बटे कुटे न तजे तक केसर रंग सुबास॥ ९०॥

सोरठा। कमल कुलीनन बात सुनो सनेही श्रवन दें जीवन (१) जारत जात तऊ न रबि सों हित तजे॥९९॥ दोहा।

होहा।

बिन आदेर जों रूप रूप छिब मुकताहर देत ।

हग जाचक ये दीठ कर बिन सनमान न रेत ॥९२॥
आये इसक रुपेट में रागी चसम चपेट ।
सोई आया जगत में और भरे सब पेट ॥ ९३॥
सजन पास न कहु अरे ये अनसमझी बात ।
मोम रदन (२) कहुँ रोह के चना चबाये जात॥९४॥
जब देखों तब भरुन तें सजन भराई होहि ।

जारे जारे अगर ज्यों तजत नही खसवोहि ॥ ९५॥

(१) जीवन = जल, वा जीव। (२) दांत।

वेदाना से होत है दाना येक किनार बेदाना नाह आदरे दाना येक अनार प्रीतम इतनी बात को हिय कर देखु बिचार बिन गुन होत सु नैकहूं सुमन हिये को हार ॥ ९७॥ हित करियत यह भांति सौ मिलियत है वह भांत । छीर नीर तें पूछ छै हित करिबे की बात ॥ ५८॥ बढ़त आपनो गोत को ओर सबे अनखाइ सहद नैन नैना बड़े देखत हियों सिहाइ ॥ ९९॥ पसु पच्छीहू जानही अपनी अपनी पीर तब सुजान जानों तुमे जब जानो परपीर ॥ १००॥ बंडे यार श्रीकन्त के भेदहि कहियतु नाहिं अरे यार के यार को सोच होत जिय माहिं॥१०१॥ इतनोई कहनो हतो प्रीतम तोसों मोहि मान राखबी बात तौ मान (१) राखनौ तोहि ॥ १०२॥ गये जदिय मुनि सूर तन पत्थर घनै चलाइ व्यापे तन जे फूल वे महरम घाले आइ ॥ १०३॥ सदनवर्नन । मदन गवन जब करत है जाही तन मैं आइ छिब वाकी सब तैं सरस नैनन वही दिखाइ॥१०४॥ (१) सनमान।

नेह मोन (१) छवि मधुरता मैदा रूप मिलाय बेंचत हलुवाई मदन हलुआ सरस बनाय ॥ १०५॥ मदन भूप राजे जहां सहसा सको न जाइ रूप चांदनी में धरो पोछ पलन (२) हग पाइ ॥१०६॥ अरे जरे की पीर की तू तो जानत है न नेहिन जारत फिरत तूं जानबूझ के मैन ॥ १०७॥ बिनहूं बाग लगाम वह चाबुक लेत न हाथ फेरत बाहक(३)मेन **ऌख नैन हरिन(४)इक साथ ॥**९०८॥ अबलख (५) नैन तुरंग ये पलकैं पाषर (६) डार आयो मदन सवार है अब को सके सम्हार ॥१०९॥ सारी डाळी हरित अति छोचन मुंडाडार अलिकावाले बागुर रची खेलत मदन सिकार॥११०॥ कहन सुनन चितवन चलन बिहँसन सहज सुभाइ। सब अंगन को देत है आइ अनंग सिखाइ॥१११॥ कीन्हें विदित सु मार नै नेही जिते सुमार आवत नहीं सुमार में ते वे किये सुमार ॥ ११२॥ बालबदन को मदन नृप रूप इजाफा दीन नैन गजन पर भौंह जनु मीनकेत धर छीन ॥११३॥ (१) घी। (२) पलका (३) सवार। (४) घोड़ा।

(५) अवलक = एक किस्राका घोड़ा। (६) वखतर।

आवत आमिल काम, तन बाढ़त जोबन जोर जिमीदार कुच उकसि कै सोभा देत अकोर(१)॥११४॥ विधये (२) मैन खिलार ने रूपजाल हग मीन रहत सदाई जे भये चपळ गतन रसळीन ॥११५॥ लखों मैन ते मैन में यह अद्भुत गत आइ वह पिघलत लगि आपि के यह लगि मन पिघलाइ॥१६॥ बदन सरोबर ते भरे सरस रूपरस मैन डीठ डोर सो बांधिके डोलत सुन्दर नेन ॥ ११०॥ चित चाहन सरसाइ रस रहे समारत रोज मनमथ राज सु आइ के किय उर मढ़ी उरोज॥ ११८॥ करत न जब तक मद्न नृप रूप सनद पर छाप तब तक हग दीवान ढिग होत न वाकी थाप ॥११९॥ छिब तावन यह तिल सिला रूप सजल लख नैन । कलपे दें हित कलप पें मन पट घोबी मेन ॥१२०॥ जब ते दीन्हों है इन्हें मेन महीपति मान चित चुगळी लागे करन मैना लगि लाग कान ॥१२१॥ सिद्ध कला जब ते इन्हें लला पढ़ाई मैन सुरजन मन बस करत हैं तब ते तेरे नैन ॥ १२२॥

⁽१) नकर घुस पुराने कवियों ने हुस के अर्थ में अर्थात् रिसवत के अर्थ में अपकोर को लिखा है। (२) फँसाया।

नेही हग दीवान ने जबते कीनी थाप रूप सनद पे कर दई मदन भूप तिल छाप॥ १२३॥ नेह नगर में किह फिरे मैन लाग मिन कान रुज़ होव नदलाल से चित बित(१) ल्याइ सुजान ॥१२४॥ कोमल किसलय दलिन से जे तिय है अभिराम दहत सतन को आइ के देख अतन के काम॥१२५॥ रूप नगर बस मदन नृप हग जासूस लगाइ नेहिनि मन को भेद उन छीनो तुरत मगाइ ॥१२६॥ रूप तस्त पे आइ के बेठों मदन सुभूप नेही हग मन नजर छै राजत द्वार अनुप ॥१२७॥ बदन बहल कुण्डल चका भौंह जुवा हय नैन फेरत चित मेदान में बहलवान बर मैन ॥ १२८॥

अयं जीवनं वर्नन ॥

ओसर को मोसर (२) भये मत दे कर ते खोइ । जोबन ओसर भावतो बार बार निह होइ ॥ १२९ ॥ जोबन ये वन ये वनो सिरी चढ़ी लखि जाहि । रूप नगर में आइ के छविधन (३) लीन्ही व्याहि॥१३०॥

⁽१) धन। (२) यह शब्द फांसी का है असल शब्द मवसार है जिसकी माने मिलने की हैं। (३) स्त्री।

जोबन आमिल आइ, के भूसन कर ततबीर । घट बढ़ रकम बनाइ के सिसुता करी तगीर(१)॥१३१॥

ं हप वर्षन ।

नागर सागर रूप को जोबन तरल तरंग सकत न तर छबि भँवर पर मन बुड्त सब अंग ॥१३२॥ अजब सांवलों रूप लाखि हगन उरोई जाइ जिहि उर तन मो उर तिमिर तुरत दुरोई जाइ॥ १३३॥ रूप समुद छवि रस भरो अतिही सरस सुजान तामे ते भर लेत हग अपने घट उनमान 119३४॥ अरे मीत या बात को देख हिये कर गोर रूप दुपहरी छांह कब ठहरानी इक ठौर ॥ १३५॥ रूप बाग में रहत है बागवान तुव नेन मन धन छै छिब असत फल दैन कहत पै दैन(२)॥१३६॥ आंखिन के जब पल अधर हेरत चिबुके जात मधुर रूप सोहै भरो हिय तक जाको गात ॥१३७॥ छाल भाल पे लसत है सुंदर बिंदी लाल कियों तिलक अनुराग ज्यों लख के रूप रसाल ॥ १३८॥ उर दियला (३) राख्यो जु में सरस सनेह (४) भराइ । बेग भावते कीजिये रूप रोसनी आइ ॥ १४०॥

⁽१) असक यन्द तगैं प्युर अर्थ तबदी ली माने बदली। (२) अर्थ कवि रूपी असत फल देने कहत है परन्तु देता नहीं। (१) अर्थ दिया। (४) अर्थ स्नेष्ठ वा तेल।

रूपसिंधु में जाइ के जब तें परस्यों नेह * तब तें कैयो रंग सौं रूप दिखाई देह ॥ १४१॥ प्रीतम रूप कजाक (१) के समसर कोई नाहि छवि फाँसी दे हग गरे मन धन कों छे जाहि॥१४२॥ बिधि नै जग मैं तें (२) रच्यों असी भांति अनुप आभ्षन को है लला आभ्षन तुव रूप 11 983 11 मन कन पलटे मिलत है जिन्हें रूप धन माल तिनहीं के विधि ने रचे जग में भाल विसाल ॥१४४॥ रूप चांद्नी की गढ़ी स्वच्छ राखिवे हेत हग फरास हाजिर खड़े बरुनि बहारू देत ॥ १४५॥ तों कैसे तन पालते नेही नैन मराल (३) जो न पावते रूपसर छवि मुक्ताहळ(४)ळाळ॥ १४६॥ रूप दीप जेतो धरो मन फानूस दुराइ तऊ जोत वाकी दगन होत प्रकासित आइ॥ १४७॥ सुन्दर जोवन रूप जो बसुधा में न समाइ दृग तारन तिल बिच तिन्हें नेही धरत लुकाइ ॥१४८॥ छके रूप मद्पान के ठहरत नहिं पल (५) पाइ (६)। लटपटाइ हम दीठ कर महित प्रीत पट धाइ ॥ १४९॥ जल में नेह अर्थात् तेल पड़ने से अनेक प्रकार के रंग दिखाई देते हैं।

⁽१) फारसी कज्ञाक ऋर्यं द्रकाद। (२) तुभाको। (३) इंस। (३) पैर।

⁽⁸⁾ मोतो। (५) पलका

बेपरवाही बांध बँध (१) राख्यो मन अटकाइ नतर कुरूप प्रवाह उहि देतों किते बहाइ॥ १५०॥ बहुत निकाइन ते लख्यों तेरों रूप निकाइ नव अनुरागी दग रहे तेरे हात विकाइ ॥ १५१॥ मलयागिर चन्दन सरस घिसि घिसि ल्यावत कूर । जात तपन कहुँ दगन की बिन वा रूप कपूर (२)॥१५२॥ ज्यों उत रूप अपार है त्यों इत चाह अपार नेन विचौंही दुहुन को पाइ सकें नहि पार ॥ १५३॥ रूप निकाई मीत की ह्यां तक लों अधिकात जा तन हेरों निमिख के रीझहि रीझी जात॥ १५४॥ सीरठा।

जोती डोरे छाल, पलकन के सिज के पला । तारे बाट विसाल, जोखत हम हरिरूप धन ॥ १५५॥

दोहा।

और सवादन(३) पे ठखों भूठहु चित्त न देंइ । अँखियां मोहनरूप कों बिन रसना रस ठेंइ ॥ १५६॥

(१) पर वाह का अर्थ वहना। (२) वैदाक मै कपूर नेतीं के शीतल करने को विशेष भीषधि है। (३) सवाद का वह-वचन सवादन।

छबि कन दे हग जाचकन जे नृहि पाछत आन रूपरासि उनको दुई दुई कहा धों जान ॥ १५७ ॥ पलक (१) पुरो निह होइ हम निसि नारी के साथ । रूप कूप तें कोन बिधि रस लागत है हाथ ॥१५८॥ निज करनी लखि आपनी रहियत है अरगाइ ^(२) । काचे घट चहियत भरो नव सरूप रस ल्याइ ॥१५९॥ दगरसना जानत सही मधुर रूप रस होन सकर मय पावत सुनी कहू हाटकी गोन ॥ १६० ॥ रूप कहर द्रियाव में तरिबों है न सलाह नैनन समुझावत रहे निसि दिन ज्ञान मलाह ॥१६१॥ जो भावे सो कर लला इन्हें बांध वा छोर हैं तुव सुबरन (३) रूप के ये मेरे हम चोर॥ १६२॥ तुव बन (४) में खोयों गयों मन मानिक ब्रजराज लगे संगही फिरत हैं नैना पावन काज ॥ १६३॥ मदन जुवा के खेल में रूप सई को देत दुवा (५) और को मैट के ठाल तियाही लेत।।१६४॥ रूप नगर में बसत है नगरसेठ तुव नैन मन जामिन छै नेहियन छगे पुँजी छिब देन ॥१६५॥

⁽१) जब पलक कपी पुर्वट नीचे नहीं भुकता तो रूप रूपी कूप से कैसे रस निकसे, (२) चलगाय चर्यात् चुप । (६) सीना और उत्तम वर्ष।

⁽४) पानिष श्रीर जंगल । (५) दुकी भीर दावा, दुया = दूसरे का समिकार ।

ओर वार हग जे परे तेरे रूप अहोर मन मलाह अब सकत नहि यातें इन्हें बहोर ॥१६६॥ बरुनी जोती पल पला डांडी भौंह अनुप मन पसंग तोले सुदृग हरुवो गरुवो रूप ॥ १६७॥ मुकत स्वेदकन चिबुक लख लखी न आले के जाल। बद्न रूप रस में फस्यों रसनिधि सुमन मराछ ॥१६८॥ जो नहि करतो भावतो रूप भूप प्रतिपाल तो इन लोभी हगन को होतो कौन हवाल ॥१६९॥ भले छकाये नैन ये रूप सबी (१) के केफ देत न मृदु मुसक्यान की गजिक आइ बेहैफ ॥ १०० ॥ [/]सरस रूप को भार पल सिंह न सकें सुकुमार याही तें ये पलक जनु झुकि आवें हर बार ॥ १७१ ॥ कर दीन्ही तुव रूप ने हगन सु छवि तनखाह दियों चाहिये भावते इन को खाहिमखाहि ॥ १७२॥ कीनों जतन सुजान बहु अजों न निकसे तेव परो सुमन नैंदलाल की रूप जेब की जेव ॥ १७३॥ सोरठा । कावर (२) सुन्दर रूप, छिब गेहुँवा (२) जहँ ऊपजे । बाला (१) लगे अनूप, हेरत नैनन लहलही ॥ १७४ ॥

⁽१) मदिरा शायद श्रासव का श्रपश्चंश है। (२) किसम जमीन श्रीर कैसा सन्दर। (३) गेहूं श्रीर रंग। (४) वास श्रीर स्त्री।

(4.16.011/1 4

दोहा। छिब सहचरि सों हगन कों इन व्यभिचार लगाइ। रूप भूप तुव लगिन कर मन धन लियो लुटाइ ॥१७५॥ पल पिंजरन में हग सुवा जदिप मरत है प्यास तद्पि तलफ जिय राखही रूप द्रस रस आस॥१७६॥ रूप भूप को हुकुम यह इतनी किन किह देव विना सनेही दृग हियों आवन इहां न देव 1110011 यारि फेर के आप पे जरति न मोरे अंग रूप रोसनी पे झपे नेही नेन पतंग ? 1150511 खोर (१) खोर सब देत हैं मेरे नैनन खोर लाल मनोहर रूप को देत न कोऊ खोर* 1130811 बिरह पीर को नैन ये सकें नहीं पल कांध मीत आइ के तूं इन्हें रूप पीठ दें बांघ ॥ १८०॥ रूप ठगौरी डार मन मोहन छैगौ साथ तब तें सासें भरत है नारी नारी हाथ ॥ १८१ ॥ रूप किरकिटी पर गई जब तें दुगन मँझार **टा**ल भये तब तें रहत बरषत अँसुवन धार ॥१८२॥ ठाठ रूप के अमृतफल हगदुम लागत आइ याही तें विधि ने दई बरुनी बारि (२) बनाइ॥ १८३॥ (१) गलीगली। # दोष। (२) बारी।

जा दुकान को रूप मद अमली दगन रेहाइ जिय गहने धर पियत है बार बार हुां जाइ ॥ १८४॥ उर तम में आवत डरों जो तुम नंदकुमार चित सुरोसनी रूप तुव छियै खड़े हग द्वार ॥१८५॥ कबंहुँ न ये आवत इहां कुहू निसा लिखे लेत झप झाँकति चहुँवोर तैं कहु चकोर केहि हेत॥१८६॥ रूप स्वाद को हगनि सम जो पल (१) लेते जान मीत लखत होते नहीं ये बिच आगे आन ॥१८७॥ जुलुफ निसैनी पे चढ़े हग धर पलकें पाइ रूप महल छिब रोसनी तब देखें है आइ ॥१८८॥ माफी की तो कर दई सनद हगन कर हेत रूप जिनसं पल गौन में काहे भरन न देत॥१८९॥ चढ़ी मदन दुरगाह में तेरे नाम कमान तख्त मुवारक रूप को तुझे मीत सुरुतान ॥१९०॥ प्रीतम पे चारूयों हगन रूप सलोने लोन (२) कटें इक मेदान मे तो कहु अचरज कोन ॥१९१॥ अरे बैद चहिये द्वा सो नहिं तेरे पास नैन जखम तिनि रूप रस आवत है गौरास॥१९२॥ (१) पलका (२) निमक खानेवाले मुंह नहीं मोड़ते।

नित हित सों पालत रहे रूप भूप नँदलाल । छबि पनिवारन में मनों हग पर वारन हाल ॥१९३॥ मुख बर्धन।

मीत सुमुख की जोत तो नेहें राखत पोषि दीपजोत तो छेत है सिर सीं नेहै सोष ॥ १९४॥ सके सताइ न पल इन्हें बिरहा अनिल सुछंद न जरे जे नजरे (१) रहे प्रीतम तुव मुखचंद ॥१९५॥ जब जब वह सिस देत है अपनी कला गँवाइ तब तब तुव मुखचंद पे कला माँगि ले जाइ ॥१९६॥ क़ह निसा तिथिपत्र में बाचन को रह जाइ तुव मुख ससि की चाँदनी उदे करत है आइ॥ १८०॥ वह सिस निसि में देखिये तारन माह सुछंद निसिदिन दगतारनि (२) लसे तुव मुखतारन चंद (३)॥ हग मृग नेहिन के कहूं फांद न पाविह जान जुलफ फँदा मुख भूमि पै रोपे बधिक सुजान ॥१८६॥ ^रसुमन सहित आँसू उदक (४) पळ अँजुरिन भरि छेत। नेन ब्रती तुव चंद्मुख देखि अरघ कों देत ॥२००॥

(१) देखता रहै। (२) आंखींकी तरैया मे।

(३) चंद्रमा का तारनेवाला मुख। (४) जल।

छबि धन पैयत अमित जहँ ठख मुखचंद उदोत मन नग मोहन मीत पे बारे बारो होत ॥ २०१॥ भावन्ता मुख स्वच्छं पे जो यह तिल दरसाइ मो हग तारन में जु तिल ताकी आभा आइ ॥२०२॥ मद्न कहन जबसीं लगे तब तैं चतुर विचार हरो गयो याको सुमद मोहनबदन निहार ॥२٠३॥ हीरा भुज ताबीज में सोहत है यह बान चंद छखन मुख मीत जनु छग्यो भुजा सन आन ॥२०४॥ जब लग हिय दरपन रहे कपट मोरचा छाइ तब लग सुंदर मीत मुख कैसे हगन दिखाइ ॥२०५॥ जातें सिस तुव मुख छखें मेरो चित्त सिहाइ भावंता उनिहार कछु तोमे पैयत आइ ॥ २٠६॥ नंद महर के बगर तन अब मेरे को जाइ नाहक कहुँ गांड जाइगों हित काँटों मन पाइ॥२०७॥ तिल वर्शन। नेही तिल रसनिधि लख्ने सुमन (१) संग पिरि जाइ। निरमोही मुख के जु तिल (°)सुमन पेरि बच जाइ॥२०८॥ तिल न होइ मुख मीत पर जानो वाको हेत रूप खजाने की मनो हबसी चौकी देत ॥ २०६॥ (२) सुंदर मन। (१) फूल।

म्रली बरनन। मोहन बसुरी (१) लेत है बाजि के बसुरी (२) जीत । बसुरी(३)यासों चलत निह बस कर करत अनीत॥२१०॥ कानन लग के तें हमें कानन (४) दियो बसाइ सुचिती हैं तें बासुरी बस अब रूज में आइ॥ २११॥ ऐसे जो नित बासुरी वह बजाइहे आन तों कैसे रहि सकेंगी या रज में कुलकान ॥ २१२॥ मत बजाय इत आइ के मोहन मुरलीतान हरि छैहै काहू मने नाहक लगिहै कान ॥ २१३॥ मोहन बसुरी सीं कछू मेरी बस न बसाइ सुर रसरी सों श्रवन मगु बांधि मने छै जाइ॥२१४॥ सुनियत मीननि मुख लगे बंसी अबै सुजान तेरी ये बंसी लगे मीनकेत (५) को बान ॥ २१५॥ अब लग बेधत मन हते दृग अनियारे बान अब बंसी बेधनि लगी सप्त सुरन सौं प्रान ॥ २१६॥ बिछुरत सुन्दर अधर ते रहत न जिहि घट सांस । मुरली सम पाई न हम प्रेम प्रीत को आंस॥ २१७॥ तोहि बजे बिख जाइ चिंढ़ आइ जात मन मेर (२) संवार। (१) वांसुरी । (३) काबू जीर। (५) कामदेव।

(४) बन।

बंसी तेरी बेर को घर घर सुनियत घेर (१)॥२१८॥ करत त्रिमंगी मोहनहि मुरली लग अधरान । क्यों न तजें ताके सुने ओर सबै कुल कान॥२१९॥ नैन वर्णन।

मेन चेंपु हित सांट की डीठ लगाइ उमे न । धरत अहेरी मन हिये तेरे खंजन नेन ॥२२०॥ रूप नगर हग जोंगिया फिरत सु फेरी देत । छिब मन पावत है जहां पल झोरी भिर लेत॥२२१॥ तुव अनियारे हगन को सुनियत जग में सोर ।

अजमावत का फिरत हों कमजोरन सों जोर॥२२२॥ नजरेई सब रहत हैं येक नजरिया वोर उतनेही में चोरही (२) चित बित तुव हम चोर॥२२३॥ रसनिध सुन्दर मीत के रंग चुचौंहों नेन मन पट कों कर देत हैं तुरत सुरंग ये नेन ॥२२४॥ कजरारे हम की घटा जब उनवे जिहि ओर बरिस सिरावे (३) पहुम(४)उर रूप झळान झकोर॥२२५॥

(१) गिला वा शिकायत। (२) चुरा लेते हैं। (३) ठंढाकरते हैं। (४) पृथ्वी। (५) हाथ।

मनमथ जो देते नहीं इन कर (५) बरछी सेन ॥ २२६॥

कैसे मन धन छूटते भावन्ता के नेन

मतवारे हग गज कहूँ ऐसे दीजत छोड़ नेही हम तन क्यों सकें इन की झोकें ओड़ ॥ २२०॥ मैन महावत हग गजन हुलसत वाही ओर लाखन में लिख लेत हैं हियही को चित चोर॥२२८॥ मन धन तो राख्यों हतों में दीबे को तोहि नैन कजाकन पे अरे क्यों लुटवायो मोहि ॥ २२६ ॥ त्रेम नगर हग जोगिया निस दिन फेरी देत दुरस भीख नँदलाल पै पल झोरिन भरि लेत ॥ २३ ।॥ दरस दान तोपे चहै हम पल अँजुरी वोड़(१) पूरन कर मनकामना इने बिमुख मत छोड़ ॥ २३१ तब जानें सास और पें तोये छेव चलाय हग चकोर तो रावरी खासी रेंयत आय ॥ ^{२३२}॥ जो नहि देतो अतन (२) कहुँ हगन हरबळी (३) आय। मन ममास (४) जे सुतिन के को सर करती जाय॥२३३॥ देतों जो नहिं भेद कहुं नैनन सौं मिल नैन मीत उजागर आवतों कैसे मन धन छैन ॥ २३४॥

मन को हगन के दारा मथा उसी लिये अतन मनाथ कहनाया।

⁽१) फैलाकर। (२) कामदेव। (३) फौज की अ-फसरी। हरावल सेना के उस हिस्से को कहते हैं जो मुख्य फौज के आगे रहता है, शायद उसीका अपभंश अंगरेजी से Herald है।

⁽⁸⁾ वासम्यान, यहां कामदेव के मन्त्रय नाम पर शाचिप है,

छुटे हग गज मीत के बिच यह प्रेम बजार दीजो नैन दुकान के महुकम (१) पलक किवार ॥ २३५॥ जिहि लालच मन धन दियों हगन मीत तुहि ल्याइ। काहे ते वह रूपरस देत न इनकों प्याइ ॥ २३६॥ मोहन छिब द्रियाव में जाइ सके निहं पार झझिक रहत है देख के पैरवार (२) हगवार ॥ २३०॥ प्रथम सुमिर तुव हगन कों जे प्रनाम करि छेत मीता उनकों जगत में जादा आदर देत ॥ २३८॥ नातवान (३) तन पे सुनो येती ताकत है न मत भुकाव मों सामुहै गज मतवारे नैन ॥ २३८॥ मीत नीत (४) की चाल ये चल जानतह है न छिब सैना सजि धावहीं अवलन पे तुव नेन॥ २४°॥ ऐसो तो कीन्हो हतो कछ गुनाह भी में न मो तन पे झुझकावही गज मतवारे नैन ॥ २४१॥ जब ते नागर मन बसो आइ सु मैना मैन पहिराये करके निसा चित चोरी को नैन ॥ २४२ ॥

⁽१) मजबूत। (२) पैरनेवाला। (३) कमजोर।

⁽४) भीत की निचों को यह नीत की चाल नहीं मालूम है कि अबलों पर अर्थात् स्वियों पर फीज की चढ़ाई नहीं करनी होती।

सिसुताई के अमल में दुवे रहत हैं नैन मैन अमल (१) के होत कछु लगे पयानो (२) देन॥ मीत बिदित ये बातही नैन तुम्हारे आइ वरुनी कर जित देत हैं नेहन सीस चलाइ॥ २४४॥ डीठ बरत (३) पर नैन चिंह कैयक पलटा लेत देख तमासों रीझि के नेही मनधन देत जिहि मग दौरत निरद्ई तेरे नैन कजाक तेहि मग फिरत सनेहिया किये गरेवाँ चाक॥ २४६॥ आप बसाते बहुत सों मन को कियो बचाय हों न लची दुग लालचिन दीन्हों मनहि लचाय॥२४०॥ रसनिधि नैनन परि गई कछुक अनोखी बान पीवतही छवि पल मधुर लगे लखेटी आन ॥ २४८॥ रूप ठगोरी डारि के मोहन गो चित चोरि अंजन मिस जनु नैन ये पियत हलाहल घोरि॥२४६॥ गुरुजन नैन विजातियन (४) परी कौन यह बान प्रीतम मुख अबलोकतन होत जु आड़े आन ॥२५:॥ दुग हिज ये उठि प्रातही करि अँसुवन असनान रूप भूप पर जाचहीं छिब मुकताहल दान ॥ २५१॥ (१) अधिकार। (२) चलने लगे। (३) वरत = नट (४) बीच में शानेवाले अर्थात् दलाल। की रसी।

अरुन तगा (१) के नेन जनु गरे जनेऊ डार रूप दान मांगत रहें ये पल करन^{्र)} पसार ॥ ^{२५२}॥ त्रपत न मानत नैनं ये छेत रूप रस दान रहत पसारे लोभिया निस वासर पल पान^(३)॥ २५३॥ जब तें वह सिर पिंढ दियों हेरन में हित बील (१) पल घर में बैठत नहीं तब तैं दृग हुइ सील ॥ २५४॥ दृग मृग नेनिन के कहूं फाँद न पाव जान जुलफ फँदा मुख भूमि पर रोपे बधिक सुजान ॥२५५॥ मत चळाव मो सामुहै इनको तें अरु यार नजर कटारी बांकुरी पल म्याने पड़ यार ॥ २५६ ॥ रीझत आपु नजार के लखि छबि नंदकुमार मन को डारत वार जे नौखे हग रिझवार ॥ २५७॥ नेह नगर में कहु तुहीं कोन बसे सुख चैन मन धन ळूटत सहज में ळाळ वटपरा (४) नैन ॥२५८॥ देखत नैन न देखती यह डर मोहन ओर आप लागि करिहैं करन मेरे मन पर जोर ॥ २५९॥ सुरत सहेळी बाल छिब नित सँवार के ल्याइ हग प्रीतम को देत है आछी भांति मिलाइ ॥२६०॥

⁽१) डीरा। (२) हाथींको। (३) हाथ। (४) मंत्र। (५) डांक्स्।

साधत इक छूटत सहस लगत अमित हग गात अरजन सम बानावली तेरे हग करि जात ॥२६१॥ तेरे नैन मसालची रूप मसाल दिखाइ नेही तन तें विरह तम दीनों दूर भजाइ॥ २६२॥ मेरे जान सुजान तुव नैन किलकिला (१) आइ हृद्य सिंधु तें मीन मन तुरत सुधरि छै जाइ ॥२६३॥ सज्जन सांची बात यह यामे नहीं विवाद बिना जीभ के लेत हग मोहनरूप सवाद ॥ २६४ ॥ जे अखियां बैरा (२) रही लगे विरह की बाइ प्रीतम पग रज को तिन्हें अंजन देह लगाइ॥२६५॥ हेरत मोहनरूप कों रुजवाला न अघाइ चहुं वोर तें दोर के हग कोरन मिलजाइ ॥ २६६॥ अंजन होइ न उसत तो ढिग इन नेन विसाठ पहिराई जनु मदन गुर स्याम वंदनीमाळ विदित न सनमुख है सकें अखियां बड़ी छजोर वरुनी सिरिकन वोट है हेरत मोहन ओर ॥ २६८॥ अवगाहे इन रूप निधि जब तैं नेन मलाह तव तें मन नृप चलत है इनही बूझि सलाह॥ २६८॥ (१) नाम उस चिड्या जो मक्ली पकड़ती है चोर जिसकी

(२) विगड़ रहों।

फारसी में माहीखीर कहका हैं।

जामें ये छवि पावतीं छवि पावन्ता भात रसनिधि अखियां ताहिये नित अवलोकि सिहात ॥२०।॥ हग दुस्सासन लाल के ज्यों ज्यों खैंचत जात त्यों त्यों द्रोपदिचीर छैं। मन पट बाढ्त जात॥ २०१॥ बाहक हम नँदलाल के अँड्न अँठी घाल आड़ि छुटावति मन हयन तुरत चलावत चाल।।२०२॥ हग द्रजी बरुनी सुई रेसम डोरे ठाल मगजी ज्यों मो मन सियों तुव दामन सौं ठाल ॥२०३॥ भावन्ता लखि लगत पल जानत को केहि हेत पल ओटन सों नैन ये रूपस्वाद कों लेत ॥ २०४॥ जब जब निकसत भावतो रसनिधि इहि मग आइ। नेह अंतर छै डीठ कर छोचन देत छगाइ (१) ॥ २०५॥ बँहकाये तें और के ये ही (२) तें जिन बैकु (३) देखन दें मुखचंद को नेन चकोरन नेकु थिरकत सहज सुभाव सौं चलत चपलगत सेन मनरंजन रिझवार के खंजन तेरे नैन नींद निरादर देत हैं नेही हग इहि आस कबहुँक देखों उदित हैं भावंता हग पास ॥ २७८॥ (१) दसीकारण नेत्रों में आंसू भर आता है। (२) हे प्ट-

(३) बहका।

द्य।

सिसक्यों जल किन लेत हग भर पलकन में आल। बिचलत खेंचत लाज कों मचलत लिखं नँदलाल॥२७६॥ हगनि हगन सौं मिल कियों भेद प्रथमही जाइ मै न दियों मन उन लियों मुहिसल मैन लगाइ ॥२८०॥ विधिवत छिब के फंद सों नेही मन अभिराम खंजन दुग लखि मीत को करत बधिक के काम।।२८१।। तुव हग सतरँजबाज (१) सों मेरो बस न बसात (२) पाद्शाह मन को करे छिब सह (३) दे कर मात ॥२८२॥ दैन लगत है पास जब बिरह अहेरी आइ प्रीतम रूप मवास विच वचत नैन मृग जाइ॥२८३॥ अंजन आंदू सो भरे जद्यपि तुव गज नैन तद्पि चलावत रहत हैं भुकि भुकि चोटें सैन॥ १८ है।। खेंचे अंकुस लाज के रूप पलक कर है न धीरजद्रम तोरत फिरें गज कोमछ तुव नैन ॥ २८५॥ रस रेसम में जो दई गांठ अनख झकझोर ते तुव दृग नख (४) माहिं सौं सहजहि डारत छोर॥२८६॥

(१) शतरंज खिलने वाला। (२) बस चलना, बिसात उस कपड़े वा तस्ते की कहते हैं जिस पर शतरंज खिलने की खाने बने रहते हैं। (३) किश्त, शतरंज की खिल की बोल चाल है। (४) नहा नाखृन।

डीठ लगत उर ईठ तन (१) इकटक सकत न हेर । तऊ लेत हग लालची चोरी चोरा हेर ॥ २८७॥ बास्यो सुमनसुबास तें जब तें पीतम आइ तब तैं इन अलि हगन पर पास न छोड़ी जाइ॥२८८॥ ठिगया तेरे नैन ये छल बल भरे कितेव कतरत पल मकराज सों नेही मन की जेव ॥२८९॥ जुरत हगन सौं हगन की पल बागे मुर जाइ पेने नेजा नजर के सींहे उर उर जाइ ॥ २९०॥ इनमें होइ दुरसात है हर मूरत की लोइ यातें लोइन कहत हैं इन सो मिल सब कोइ॥२९९॥ नैन बान जिहि उरिछ दें ससकत छेत उसास मीत सु उनकी है दवा मिले न वेदन पास ॥२९२॥ उत अलगरजी चाहि इत लगी हिये सर सान हग अनुरागिन को परी कठिन दुहू विधि आन ॥२९३॥ विरह बांह कह सकत नहि होय गये अति छीन नैन भिलमिली जान कैं पल बल बारे दीन ॥२९४॥ बदन कूप तैं रूपरस हग बिन गुन भर छेत और कूप बिन गुन पथिक प्यासे फेरी देत॥ २९५॥

⁽१) सिनकी शरीर में।

लघु मिलनो बिछुरन घनो ता बिच बैरिन लाज । हग अनुरागी भावते कहु कह करें इलाज ॥ २९६॥ मूळे लोभी नैन सों छिब रस आये चाख हग तारे दें के इन्हें नजर बंद कर राख ॥ २९७॥ ताजी ताजी गतिन ये तब तें सीखें छैन गाहक मन राजी करे बाजी तेरे नैन ॥ २९८॥ हग नकीब ठाढ़े रहत पल पौरन यह हेत मन मजिलस में मीत जहँ और झकन ना देत॥२९९॥ रूप इमारत मैं इन्हें जों तू दये लगाइ द्रस मज़्री दें लला नैन मज़्रन आइ ॥ ३००॥ प्रथमिह नैन मलाह जे लेत सुनेह लगाइ तब मझयावत जाय के गहिर रूप द्रयाइ॥ ३०१॥ मन में आन न आनही अलवेले तुव नैन तामें भयो हिमायती आइ सो इन को मैन ॥३०२॥ मीत विरह की पीर को सकेन पल हम कांध रूप कपूर लगाइ के प्रीत पटी सों बांध 1130311 गैना नैना लाल के हित में जानत नाह नहे नेह की बहल में घुरला जानत नाह ॥३०४॥ बने जहां के तहँ रहे लगे होइ उर पार बिधि तोही कों रचि दियों ऐसे हग हथयार ॥३०३।

प्रथमहि दारू खाइ के पीछे गोली खाहि तेरे नैन बँदुक ये चोटिह चूकत नाहि ॥ ३०६॥ गुरुजन डर सों चतुर ई वरुनी झिछमें डार निधरक प्रीतम बदन तन अखियां रहीं निहार ॥३०७॥ रसनिध मोहन रूप तो जिहि में तिहि सरसाइ तिनको राखो नेहियन नेन माझ ठहराइ ॥ ३०८॥ टोना आँख बस करन को करे हते इन जाइ अब उलटे रोना पऱ्यो गरे दगन के आइ ॥ ३०९॥ मन सुबरन घरिया हियों ठाठ सुहाग मिठाइ हग सुनार हित आंच दें कुन्दन कियों तपाइ॥३१०॥ रूप लोभ बस मिल गये नैन पहरुवा जाइ तबलों तो चितचोर ने मन धन लियो चुराइ॥३१९॥ नेन सनेहन के मनों हळबी सीसा आइ गुपत प्रगट तिन में सदा मीत सुमुख दरसाइ॥३१२॥ जािलम नैनन के जुलम किहये काके पास पल पल खेंचत रहत है पल सँड्सिन सों मास ॥३१३॥ मोहनमुख छिष आपुही ये सरसावत हेत चाह बावरी माझ हग मन कों गोता देत ॥ ३१४॥ एक नजरिया के लखे जो कोइ होइ निहाल तो यामे तुव गांठ को कहा जात है लाल ॥३१५॥

तनिक किरकिटी के परे पल पल में अहटाय क्यों सोवे सुख नींद हग मीत बसे जब आय॥३१६॥ नैना मोहनरूप सों मन कों देत मिलाइ प्रीत लगे मन की बिथा सकें न ये फिर पाइ ॥३१७॥ सोरहा। रूप नगर में नेन, निसि दिन फेरी देत है मोहन मूरत मैन, दुरसन भिखिया के लिये ॥३१८॥ धरे हते मुहरा घने मेंछे हियो बिसात मो मन साहिय को करों तें दें हम सह मात॥ ३१८॥ बरुनी वन्दनवार रचि पल मंडफ हिज मैन छवि धन सीं चित चाय सीं भरत भावरे नैन॥ ३२°॥ मेरेई हग मीतकर जो मन आवे वैंच तौ याके इनसाफ को काहि बुलाऊँ खेंच ॥ ३२१॥ हग माठी ये डीठ कर निरखि रूप की बेठ े छेत सु चुन छवि की क**छी पळ झोरिन सीं झे**छ ॥३२२॥ तीन पेंड़ जाके लखों त्रिभुवन में न समाइ धन राधे राखत तिन्हें तूं हग आधिन माइ॥ ३२३॥ मेरे नैनिन हैं ठखों ठाठ आपनों रूप भावत है गों भावतों कैसी भांति अनूप ॥ ३०४॥

मन गरुवो कुच गिरिन पे सहजे पहुँच सके न याही ते छै डीठ के पेरे (१) बांधत नैन ॥ २२५॥ मन धन तो पे भावते जे वारेई देत हग चोरत बन के हियों क्यों वारेई देत ॥ ३२६॥ नेहिन उर आवत छखों जबहीं धीरज सैन सैफी हेरन में पटे कैफी तेरे नेन 11 330 11 पीवत नहीं अघात छिन नाही कहत वने न पलवो (२) के बांधे रहे छविरस प्यासे नैन ॥ ३२८॥ सुहद जगत में दगन से रसनिधि दूजे नाहि बड़े हगन लखि आप तो तन मन हियो सिहाहि॥३२६॥ नैन अनी जब जब जुरे रूप बनी में आइ तब तब आड़ी बीच में लाज परत है आइ॥३३०॥ पल जोरन के हग पला जब तें सिखये मैन तब तैं नेही चित छला लगे लला को देन ॥३३१॥ भरत सांस छै हर घरी रूप दरस की आस तृषित हगन की मिटत केंहुँ आंसू घूँटन प्यास ॥ ३३२॥ तिषित दुगन की तपिति जो ध्यान धरे ते होइ ओसन बुझती प्यास जो नीर न पीतो कोइ ॥ ३३३॥

(१) सीढ़ी।

(२) चुलू।

नेन कमल ह्यां लगत है कमल लगत है वाइ कमलनाल सज्जन हियों दोनों येक सुभाइ ॥ ३३४॥ जादूगर तुव हगन यह यों कर लियों सुतंत्र तब तें वाहि न फुरत है तंत्र न जंत्र न मंत्र ॥३३५॥ बिना तमाखू सूरती छवि बीरा न मिठाइ परों अनोखों अमल यह गरे दृगन के आइ॥ ३३६॥ अपने से दृग छागने जो तूं छंखतों और तो तेरोऊ चित लला नैक न रहतो ठौर ॥ ३३० ॥ में दीनों उनने लियों मन धन देखत अन बूझे मुकरे जात हैं अब काहे तुव नैन || \$\$5 || बैपारी दुग मीत के तिनही बाले देत बधी बाँघ के बाट की बिन जोखे मन छेत ॥ ३३८ ॥ कछू सु लोच न नखन में लाल सुलोचन आइ चित चेरो जाते सुचित बहुर न सिकयतु पाइ॥३४१॥ तिल चुन लालच लाग के दृग खंजन चल जाइ जुलफ फँदा ते जो बचे दृग फन्दन परि जाइ॥ ३४१॥ रिस रस दिध सक्कर जहां मधु मधुरी मुसक्यान घृत सनेह छिब पय करे दृग पंचामृत पान॥ ३४२॥ गढ़ि गढ़ि जो छिब के छठा पल में करें तयार ये नोने पहिराइ है तुव दूग मीत सुनार ॥ ३४३ ॥ नैन लगर (१) घघट खुलहि पवन खोल जब लेत । नेही मन किरवान (२) कन भपट सतूना देत ॥ ३४४॥ दीन्हों नेहन को अमी मद असनेहन प्याइ हियो समुद मनमथ मथी तामे ते दुग ल्याइ॥३४५॥ फोरत बाने ढाल के तनिक लगाये मैन अचरज कहि भेदों जुमन मेन भरे सर नेन ॥ ३४६॥ अरी करेजे नैन तुव सरिस करेजे वार अजहं सुरभत नाहिं ते सुर हित करत पुकार ॥३४०॥ सोहत हैं यह भांति जे भावता के नैन तारे मधुकर कमल दल बेठे जनु रस छैन ॥३४८॥ प्रगटत अंजन लीक छिब अहिसावक मित जान अलक भुअंगम देख जनु सकुच रहे जस मान॥३४६॥ सोरता। होइ कोंन तन धीर, कहधी तू मोसी यहै

होइ कोंन तन धीर, कहधों तू मोसों यहें । नैन अन्यारे तीर, जो घाळे या जिहि लगें ॥३५०॥ मेरे नैनन जाइ, मिल हॉरे कीनी मिलहरी^(३) । मन धन दियों वताइ, रसनिध मोहन चोर कों ॥३५९॥

⁽१) एक किस्म की शिकारी चिड़िया जिस की बाज कहते हैं।

⁽२) एक किस्राकी चिड़िया। (३) मेल।

क्यों न रसीले होंइ हम जे पोषे हित लाल खाटे आम मिठात हैं भुस मै दीने पाल ॥ ३५२॥ पल अंजुल जोरे कहे दो हा (१) सीं बिच सैन मनमोहन सों रुचिर छबि रुचि सों मागत नैन ॥३५३॥ द्रसति जब बाढ़ी हती सो तुम हगन न दीन अरुनिन फिरयादी जहें बसन भगोंहें कीन ॥३५४॥ तेरी यह अद्भुत कथा कही जाइ नहि बैन चित चीतन को तें किये अरी सेर मृग नैन ॥३५५॥ तुव दृग नागर सुघर जे वाहि न छेते मोल को छै सकतौ ठाळमन रसनिध अधिक अमोठ॥३५६॥ जान जान कीने जु तें नेहन ऊपर वार भरे जु नैन कटाछ के खंजर पंजर फार ३५७॥ यातें पल पलना लगत हेरत आनद्कंद पियत मधुर छवि हगन के जात ओठ है बंद ॥३५८॥ एरी ये बिळ राधिका तोसों दूजी नाहि राख्यो मदनमनोहरे जड़ हगतारन माहि ॥३५९॥ अनियारे हग बान की रसनिधि बांकी चोट रुकत न रोके केसहूं धीरज ढालन ओट ॥ ३६०॥

(१) हा हा।

यह छोटे बित नैन ये करत बड़े से काम तिल तारन बिच छै धरे मोहन मूरति स्याम॥३६१॥ हीरा बिन हीरा केनी कहूं न बेधी जाय मो हीरा(१)तुव हग कमल सहजे बेधत आया।३६२॥ लाल तिहारे हगन को मैं गुनाह कह कीन छतना (२) सी छतियां करी छेदि सघन वरुनीन ॥३६३॥ बरिज राख बटपार ये अरी आपने नेन मन मिथवे को मनमथिहं देत चवाई सेन ॥ ३६४॥ हीरा हाथ न आवही बिना दिये कछु माल मो हीरा बिन गथ छियों नैन जौहरिन छाछ॥३६५॥ मद्न बारिगर ^(३) तुव हगन धरी बाढ़ जो मित्त याके हेरत जात है कट कट नेही चित्त ॥ ३६६॥ और चार चित छेत है हग ओझिल है चार मन धनि चोरत भावतो नैन नैन सौं जोर ॥३६७॥ राखे है सुर मदन ये ऐसेही चरवाक पैनी भौंहन की दरी अघ नैनिन कौं बांक (४)॥३६८॥ रसनिधि आवत देखि के मनमोहन महवूब उमड़ी डिठ बरुनीन की हगन बधाई दूब ॥ ३६९॥ (१) हियरा अर्थात् हृद्य। (२) मधुमक्वी का काता।

(३) सिकालीगर। (४) नाम इधियार।

पीवत पीवत रूपरस बढ़त रहे हित प्यास दई दई नेही हगन कछू अनोखी प्यास ॥ ३७०॥ बात चलत जाकी करें असुराई नहींन है कछु अद्भुत मद्भरे तेरे हगन प्रवीन ॥ ३७१ ॥ राख्यों है मन लाज के दुग हारे दुखान बिना नेह परवानगी सुचित न पावे जान ॥ ३७२ ॥ रूप नगर में फिरत हों छिब सोदा कों छेत रोक्यो नैन जगातियन मन जगात के हेत ॥३७३॥ नेही नेन निवाज को समो न बीतन देत त् भौहन महराव बिच दोरा कावड लेत ॥ ३७४ ॥ रेसम डोरे लाल ले बरुनी सुइयन अन नेही उर दुरजी (१) सियै दुरजी श्रीतम नैन ॥३७५॥ पुरजा पुरजा करत है प्रथम करेजा थान फिर बरनी सूजन सिये दरजी नैन सुजान ॥३७६॥ श्रमित भयो तोपो उत् बिच पल पलकिन आइ रुचिर भांत सौभावते नैन पलोटे पाइ ॥ ३७७॥ हेरत जित ये सहजही तुव दृग सुभट अमोर (२) मुर (३) मुर जाती नैन की सेना जुरी करोर ॥ ३७८॥ (१) फटा इवा, जिसमे दर्ज हो। (२) जो पिक्ट न इटै। (३) लीट लीट जाती है।

असनेहान हित नगर में सकत न कोऊ खूट चतुर जगाती लाल हग लेत सनेहन लूट ॥३७९॥ जे बोजा बिजयां पिये तिनपे आवत हैफ मनमोहन हग अमल में क्या थोरी है कैफ ॥ ३८०॥ बर जे बुध बल नार हैं खंजन नेन भुलाइ अटके तिल चुन लालचन जुलफ फँदा में जाइ ॥३८१॥ बहुधा बैरी गोतके सही गोतियन जान बडे नैन खटकन लगे नैन हीये में आन ॥ ३८२॥ नेही सनमुख जुरतही तहँ मन की गिरवान बाहत हैं रन बावरे तेरे हग किरवान 11 323 11 प्रीतम नैन कजाक तुव छिब मन माह मिलाइ हित गथ जापे देखही ताही लूटत जाइ मोहन जो हग जिहि मतन उझकाई दे जाइ ज्यों थोरी पथ देत है बेद रोगिये आइ ॥ ३८५॥ जदपि बदन सर जगत में छिब रसभरे गँभीर हग चातक छन स्यामतन तलफत झाकत तीर ॥^{१८६}॥ चरच जात ज्यों लखतही नैनन की गत नैन यह पहिचानत रसिकनिध चोर चोर की सेन॥ १८०॥ मिल बिस्वास बढाइ के चित बित लेत चुराइ राखत नैन कजाक तुव छबि बन मांह दुराइ॥३८८॥

भरी अमित छिब तो हगन सबजग बोलत साख याहू नान्हें से मने बिच दुग कोयन राख ॥ ३८६॥ जब से तें पेने किये दुग छिब सान चढाइ तव तें मन देने कहे नेह न रीझ सिहाइ ॥ ३८० हेरों ओर हमारिये प्रीतमनेन बिसाल बड़े होत ते करत हैं छोटन कीं प्रतिपाल ॥ ३८१ अरुन अन्यारे जे भरे अतिही मद्न मजेज देखे तुव दुगवारवे रव (१) सुकराना भेज ॥ ३६२ ॥ प्रीतम आवत जानिके भिस्ती नेन सिताब^(२) हित मग में कर देत है अँसुवन को छिरकाव॥ ३८३॥ नट बट तेरे दुगन के कौन सकत है पाइ पल प्यालन में दुग बटा देखत धरे छिपाइ ॥ ३८४ ॥ वधिक कसाइन ते बचो ये बेदरदी अन विधि भरि दीनी तैसही बिच महबूबा नैन ॥ ३८५ ॥ रिझकबार दृग देखि के मनमोहन की ओर भौह न मारत रीझ जनु डारत है त्रन टोर ॥३८६॥ चिबुक कूप मध डोल तिल डार अलक की डोर दुग भिरती करकर पलक छविजल भरत झकोर॥३६०॥

(२) जलदी।

(१) परमेश्वर

हरे सुछबि तृन चरत ये मन मृग रूप कछार सिंह रूप तुव दुग लखें गिरत सु खाइ पछार॥ ३८८॥ पथिक आपने पथ लगो इहाँ रहो न पुसाइ रसनिध रूप सराइ में बसों भावतों आइ ॥ ३८८॥ छबि बन में दौरन लगे जब तें तुव हगमेव तब तें कढ़े सनेहिया मन छन छैके छेव ॥ ४००॥ प्रीत पान नवरस कथा चूना नेह लगाइ श्रीतममुख हग डीठ कर बीरा देत वनाइ॥ ४०१॥ याही ते जानी गई नेना मेरे हैं न आपू रीझ मन कों लगे बेदरिदन कर दैन ॥४०२॥ प्रीतम बदन सुदेस पे साजी सेना सेन चहत पेस रूपक सद्न रसनिधि लोभी नैन ॥४०३॥ हम रीझे मनभावते छिख तुव सुंदर गात दीठ रूप धर ठाठ सिर नैना सोंहें खात ॥४०४॥ डीठ डोर ने मोर दिय (१) छिरक रूपरस तोइ मथि मो घट प्रीतम लियोन्मन नवनीत(२)विलोइ॥४०५॥ मनहूं की गति करत है ये पछ पछ मै पंग करत ख़ुरी पल मैं अमित तेरे नैन तुरंग ॥ ४०६॥

(१) मठा भान को मोरना कहते हैं।

(२) नेन्।

(६) करोड़।

रतनहजारा।

तबतें पळ(१)कर(२)और तन पळक(३)पसारत है न जबतें छिब धन मीत दें किये अजाची नैन ॥४०७॥ तुव हग बाजन देखि के तुरत उठत है कांप मन पंछिन को लेत जे पल चंगुल सौं चांप ॥४०८॥ रूप ठाळचिन ने दरे सुध बुध सबे बिसार दरस भीख के काज हग पल कर रहे पसार ॥४०९॥ अँसुवा होइ न डीठ उर ये अखियाँ रिझवार पल अँजुरिन जल मीत पे पानी पीवत वार॥४१०॥ नैन कबूतर मीत के गिरहवाज से आइ पल में गिरहें लें मनहु नेह गिरह दें जाइ॥४११॥ तेगा ये हग मीत के पानिपवार सुघाट अंजन बाढ़ दिये बिना करत चौगुनी काट मीत नैन महसिल(४)नये बैठत नहि हुइ सील तन बीघा पे करत हैं ये मन की तहसील मद मोकल (५) जब खुलत हैं तेरे हग गजराज आइ तमासो जुरत है नेहीन्हेनसमाज 1888 रुकत न खंजन नैन ये जतन कीजियत कोर (६)। प्रीतम मन तन चलत है पल पिंजरन कों तोर॥^{४१५}॥ (१) पणका। (२) हाय। (३) चणक अर्थात् कभीनही।

(४) तहसीलदार। (५) मतवाले।

जब छूटत घल थान तें मतवारे गज नैन नेहिन दल कों चलत हैं दैकर ठोकर सैन ॥ ११६॥ हग खंजन औचक फँसे बीच जुलफ के जाल भावे इनकों कर जिभे (१) भावे इनकों पाल ॥ ४१०॥ अरे मीत तें आपने हग सथियन फुरमाइ कांटें गांसी बिरह की पल संसिन सौं आइ ॥४१८॥ कर राते लखि गुरुजनन कर रुष रूषे नैन हितरातेन दलाल सों बतराते विच सेन 1138811 तरक चलत है नैन ये औरन की मुख हेर मन के कर कर दुगन कों देत मीत मन फेर ॥४२०॥ मचल जात हैं नैन ये समुझाये समुझे न बदनचंद के छखन को सिसज्यो विरझत नेन ॥४२१॥ आये तेरे दृगन पे जे महूम अखत्यार(२) किते न मनसूबा गये इनसौं जुरके हार भौंह कुटिल बरुनी कुटिल नैना कुटिल दिखात बेधन कों नेही हियों क्यों सूधे हैं जात ॥ ४२३ मन धन छै दुग जो हरी चले जात वह बाट छवि मुकता मुकते (३) मिलै जिहि सूरत की हाट॥४२४॥ (१) (फारसी) गला काट कर मारना। (२) चढ़ाई कारके आये।

(३) बहुत ज्यादा।

कसक बनी तब तें रहे वँधत न जबर खोट दग अनयारिन की लगी जब तैं हिय में चोट ॥ १२५॥ नेनवान जिहि उर छिदे कराकत छेत न साँस मीतिह उनकी है द्वा मिले न वेदन पास ॥ १२६॥ निज्ञवालर छोचत रहत अपनों (१) मन अभिराम मानें पामी रिकितियि इनने छोचन नाम ॥ ४२०॥ **छो इनकी छागी रहे निज मनमोहन रूप** तातें इन रसनिधि लयें। लोयन नाम अन्प ॥ ४२८॥ जो कछ उपजतः अहि उर सो वे आंखे (२) देत रसनिधि आखें नाम इन पायों अरथ समेत ॥ ४२८॥ ओर रसनि छे जानही रसनाहू अभिराम चाखत जे ये रूपरस यातें है चख नाम 11 83. 11 मरभराँय देखें विना देखें पल न अघाँय रसनिध नेही नैन ये क्यों समुझाये जांय १ ४३१॥ नैन किलकिला (३) मीत के ऐसे कछू प्रवीन हियसमुद्र तें छेत हैं बीन तुरत मनमीन 1 838 1 जिन नैनन कों है सही मोहनरूप अहार तिनकों बेद बतावही लंघन कों उपचार ॥ ^{४३३}॥

⁽१) अब हनों। (२) कहदेत (पंजाबी बोली है) (३) एक प्रकार का पची जो मक्की पकड़ता हैं — फारसी में उसको माहीखोर कहते हैं।

घाइल दिल की जो कहूं उन्हें ब्यापती पीर प्रीतमबधिक न घाळते दृगअनियारे तीर ॥ ^{४३४}॥ पल पहोंभर (१) इनं लिया तेरा नाज(२)उठाइ नैन हमालन (३) दें अरे दरस मजूरी आइ सुरँग बछेरे नैन तुव जद्यपि हैं नाकन्द मन सोदागर ने कह्यो यही हैं बहुतक परसन्द ॥४३६॥ गुरुजन बाहक जदिप पुन घालत चाबुक सैन कटे बटे न कढ़े तऊ रूप अवन हैं नैन ॥ ४३०॥ होती जोपे बचत कहुँ धीरज उल्हा ओट चतुरन हिये न लागती नैनवान की चोट ॥ ४३८॥ हितकर रसनिधि हेरिवो मुसकेवो अनखान मीतद्गन लिख लेत हैं नेहन के दृग जान ॥ १३६॥ रसनिधि दुग कामारथी छिब बेनी जल ल्याइ बिने सरित मन संभु को नितही देत चढ़ाइ ॥ १४ ॥ छवि मिसरी जब तें दई तुव हग वाजन (8) मैन मन कुलङ्ग कों धरत हैं ये बिच चंगुल सैन॥४४१॥ जिहि वारों नँदलाल पे हग आये मन वार पलहू भर पांवें नहीं वह मूरति वर वार 1188511 (१) (फारसी) पस्नेदार। (२) नाज, चौर चनाज। (३) पत्नीदार मजदूरा। (४) गिकारी चिड्या।

खोर आपने दगन की धरिये किहि सिर ईठ सिस एके हैं सूझही यहै बिबर जै दीठ चुभती जों निहें दृग अनी त्रिभुवंनपीत उर आइ । देतो जावक रुचिर वह क्यों ब्रजबालन पाइ ॥ १८४॥ रे तबीब यह बात तें अपने यंथन हेर दुग गाँसी जिहि उर गिंड सो कहुँ निकसी फेर ॥४४५॥ साहु कहावत फिरत है चित सरसाये चाव तेरे नेन दिवालिया (१) मन लै देंहि न पाव(२)॥४४६॥ हेरतही जाके छके पलहू उझकि सके न मन गहने धर मीत पे छिबिमद पीवत नैन ॥ १४ १०॥ प्रीत चलावे जित इन्हें तिते धरें ये गैन नेह मनोरथ रथ रहें ये अवलखं हय नैन ॥ १४ ८॥ उपजत जीवनमूर जहँ मीत दृगन मैं आइ तिनके हेरें तुरतही अतन सतन हैं जाइ ॥ ४४८ ॥ प्रेम नगर मैं दुग बया (३) नोखे प्रगटे आइ दो मन कीं कर एक मन (१) भाव दियों ठहराइ ॥ १५ ।॥ अद्भुत रचना विधि रची यामें नहीं विवाद बिना जीभ के छेत दृग रूप सछोनो स्वाद् ॥ १५१॥ (१) मन इदय और ४० सेर कार मन। (२) मन लेकार

पावभर भी नहीं देते। (३) तीलने वाले।

हैं के लोभी लोभबस छिब मुकताहल छैन
कूदत रूपसमुद्ध में अकधक करत न नेन ॥ १४५२॥
सोरहा।
जोती डोरे लाल, पलकन के कर के पला

जोती डोरे ठाल, पलकन के कर के पला । तारे बाट बिसाल, जोखत हर दृग रूपधन ॥ १५३॥ दोहा ।

जो भावे सो कर लला इन्हें बांध भा छोर । हैं तुव सुवरन रूपके ये दृग मेरे चोर ॥ हैं तुव सुवरन रूपके ये दृग मेरे चोर ॥ हैं पनगर में बसत हैं नगरसेठ तुव नेन । मन जामिन छै नेहियन लगे पुँजी छवि देन ॥ हैं ५॥ तारनहीं के बाट छै घर विच पलक पलान । तोलत हैं दृग लोभिया मोहनरूप कलान ॥ हैं ५॥ हैं ५॥ हैं ५॥ हैं दृग लोभिया मोहनरूप कलान ॥ हैं ६॥

पहिराये नृपं रूप तुव जब तें नैन दिवान । तब तें छे नेहीन के मन धन छगे कमान ॥ ४५७॥ हो इन्तुल की जोत दृग देखत हैं दिन रेन । स्तिविधि निरगुन बात कीं जे परस्वतह हैं न ॥४५८॥ लोहन हों व दिवा की जदिप सुथाह छिहे न ।

छवि ठाउच ठागे रहत हैं वैठ किनारे नेन ॥४५९॥ नैनन कन्धे धौरियन अरे नहीं धुर ठाइ

कैसे मन कों बोझ धर घरलों सके चलाइ॥ ४६०

हग नौंके याही लिये राखी बाढ़ धराइ नेहिनही पे लेत हैं ते अजमाइसु आइ ॥ ४६१ ॥ भरत ढरत जलकन पलन पलहू ठहर सके न भये कौन के नेह सौं तेरे चिकने नेन ॥ ४६२॥ रूप महावत नैन गज मैन सु आइस पाइ नेही मन हय जोरही देत भुकाइ भुकाइ ॥ ४६३॥ वाको सिरतो गांठ कों चितवित चोरे छेत नेही दुरबल दुगन कों दरस न काहे देत ॥ ४६४ ॥ यों छाव पावत हैं लखों अंजनआंजे नैन सरस वाढ़ सेफन धरी जनु सिकलीगर मैन ॥ ४६५॥ ठाठरूप के अमृतफल दृग द्रुम लागत आइ याही तें विधि ने दई वरुनी बार बनाइ || 8**ξξ** || पीवतहू न अघात हैं छविरस प्यासे नैन पल वाकें बाँधे रहें नाहीं नेक कहें न || 8£0 || घाले नेन कटारियाँ जेते सरस सुपान कसकत ये उर मैं रहें कहत न बने जुवान ॥ ४६८ ॥ रूप वधिक दुगं कर महाहि रोपे छै छवि जाल नेही खंजन नैन ये विधये हेरत हाल 11 338 11 रिझकवार दुग देखि के मनमोहन की ओर भौंहन मोरत रीझ जनु डारत है न निहोर ॥ ४७० ॥

रूप सरोवर माहि तुव फूले नैन सरोज ता हित अलि नेही तहाँ आवत दौरे रोज॥ ४७९॥ श्रथ डीठवर्नन । या व्रज में हों बसतही हेळी आइ सुतंत्र हेरन में कछ पढ़ि दियों मोहन मोहन मंत्र॥ ४७२॥ आले घाइन आइ भर हेर नहरुवा नीम मृद्र मुसक्यान सो ओषधी जो नहिं देहु हकीम ॥४७३॥ अरे बैठ रह जाहु घर कत भटकत बेकाज चितवन टोना को कबीं होना नहीं इलाज ॥ ४७४ ॥ रसनिधि आवत देखि के मनमोहन महबूब उमग डीठ वरुनीन की हगन बधाई दूब ॥ ४७५॥ चतुर चितेरे तुव सबी छिखत न हिय ठहराइ कलम छुवत कर आँगुरी कटी कटाछन जाइ ॥४७६॥ नैक नजरिया के लखें जों कोउ होइ निहाल तो यामें तुव गाँठ कों कहा जात है लाल ॥ ४७७॥ औरनि कहु तन दीठ जहुँ छख आवत कर गीर रसनिधि अपने मीत की वह हेरन कछ और ॥४७८॥ भावबर्नन । यह उर दग नहिं ठख सकै सूधे मोहन ओर बदन कमल मै गड़िहगी बरुनी अनी कठोर ॥४७९॥

करि उपाय बहुतों थके काढ़े कढ़ते नाहिं रूप बदन के जे पला हेरतही चुिम जाहिं॥४८०॥ अथ भौंह बरनन।

उपमा भैंहिन जो दुई लहे न एते साज टेढ़ी पैनी स्याम अति जैसे नाखन बाज(१) ॥४८१॥ मेरे मन के बध दये जबतें इन्हें लगाइ फिरे न भोंह कमान तूं अरवरही ठहराइ 1355 श्रथ श्रवन बरनत ।

श्रवत रहत मन कौं सदा मोहन गुन अभिराम तांतें पायों रसिकनिधि श्रवन सुहायों नाम केस बरनन।

मीता मन वा बँधनि तैं कौन सके अब छोर(२) बाँघि लियों तें वह अरे गिरह जुलुफ की डोर॥४८४॥ वह विध्वद्नी के लखे खुले छबीले बार बस्यो मनो तम आइ के सिसमुख के पिछ्वार ॥४८५॥ उरोज वरतन।

पुरयन बिच कंचुक अरी ता बिच कली उरोज गुंजत अछि मन जाइ तहँ उर सरसाइ सरोज ॥ १८६॥

(१) बाज को नोइ, नख। (२) छोर = खोलने का व्या पार दूसरा छोर किनारा।

कटि बरनन।

नेहीमन कटि जात लखि श्रीतम कटि अभिराम । किर किर ऐसी काटं यह पायों है किट नाम ॥४८०॥ मन वरनन ।

मन गयंद छवि मद छके तोर जॅजीरन जात हित के झीने तार सों सहजेहीं बाध जात ॥ १८८॥ जोरति है मन जतिन के बहुतक धीरज घर विथुर जात है तुरतही मीत सैन कों हेर 1132511 हग तो आवत बांधि के निकट बदन अभिराम डीठ बरत पे धार के मन बट नटही काम ॥ १६०॥ जो कहिये तो साँच कर को माने यह बात मन के पग छाले परे पिय पे आवत जात ॥ १८१॥ मन बद्छे भव सिंधु तै बहुत छगाये घाट मनहीं के घाले गये बहि वर वारहवाट 1188811 मन निहिचल मन चंचला मन सुजान मन कूर । मन बेरी मन सज्जना मृन कायर मन सूर 18231 मन मैला मन निरमला मन दाता मन सूम मन ज्ञानी अज्ञान मन मनिह मचाई धूम ॥ १८८१॥ ेपन गज मद मौकल भयो रहत न अपने हाथ

्छग्यो रहत पर मोह को पीलवान चित साथ ॥^{३८५}॥

उड़ों फिरत जो तूल सम जहां तहां बेकाम । ऐसे हरुये को धन्यों कहा जान मन नाम ॥ ४९६ ॥ मिहिर नजर सों भावते राख याद भर मोद । अनखिन खिन अनखिन अरेमतमो मनिह करोद॥४९७॥ को अवराधे जोग तुव रह रे मधकुर मोन । पीताम्बर के छोर तें छोर सके मन कोन ॥४९८॥ हग जहाज मन जोहरी भन रच छो छिब खेप । रूपिसन्धु में फिरत है करत न पल विच्छेप ॥४९९॥

छवि वर्नन ।

तुव छिव सोंहिन सों अरे जो मन लागत आइ ।
हित अनिहत दुहु बीचही पलपल छीजत जाइ॥५००॥
जाहि जबिह पिनया भरन मोहन छिब छिक नार ।
रीते घट घर लेत सिर देति भरन को डार ॥५०१॥
छिब धन दें नँदलाल ये किये अयाची आइ ।
पल कर तब तें और पे हग न पसारत जाइ॥५०२॥
जब तें छिब फेरो परो यह मन मेरो आइ ।
तब तें रसनिधि सांवरे उझकत हैं हग आइ॥५०३॥
निरख छबीले लाल को मन न रहो मो हाथ ।
वँधो गयो ता बिस भयो छबीदान के साथ॥५०४॥

जाही बनतन मदन रूप मजिल देत फ़ुरमाइ छिब लसकर के होत हैं ताही डेरा आइ ॥ ५०५॥ पल प्यालन छविमंद सु भर प्यावत नैन कलार मन गहनै धर पियत है रसनिधि मन रिझवार ॥५०६॥ तुव छिब बन मे मन पिथक क्योहूं निवहत नाहिं। नेन कजाकन तें बचे चिबुक कूप पर जाहिं॥ ५०७॥ धनुष पाइ दुइ कौन ये लच्छ लच्छ तन जाइ हगन धनी छिब लच्छ को नवे ते उाचिते आइ ॥५०८॥ मटकी मटकी सीसधर चल कछु बिक मुसक्याइ लिख वह घटकी सुधगई छिब अटकी हग आइ॥५०९॥ बनवारी वारी गई वनवारी पे आज मन वारी हर छै गयो वा मोहन व्रजराज ॥ ५१०॥ घैर मथन सुनियत रहे जहां तहां व्रज भीन मोहन छवि छिक नागरी सोच नागरी कौन॥५११॥ बाढ़ी सुन्द्रता अधिक हरिहर अंग अनेक किते किते हेरे अरी डीठ विचारी येक ॥ ५१२॥ करत जतन बल बहुत सों नेकहु निकस सके न छबि चहले में जा फँसे विरहदूबरे नैन ॥ ५१३॥ मति चुकार देते सुझे दे चुकाइ छविदान रे नटनागर नन्द के सुन्दर स्याम सुजान ॥ ५१४॥

रूप नगर में बसत है नगरसेठ तुव नैन मन जामिन छै नेहियन छगे पुँजी छिब दैन ॥५१५॥ छवि चुन दें हग खंजनन के दें रे मुकलाइ (१) वँधे प्रीतगुन सौं उठैं पलपल मे उकलाइ ॥५१६॥ रसनिधि प्रेम तबीब यह दियो इलाज बताइ छिब अजवाइन लख हगन बिरह गिरानी जाइ॥५१७॥ प्रीतम मरजी के भये जिब जु मरजिया आइ छिब मुकता उनही लहे रूपसमुद में जाइ॥५१८॥ हग रिझवारन हिय रहे यहै परेखी (२) एक वारन को मन एक इत उत है अदा अनेक ॥५१९॥ जो छवि मद्नेही हगन देखत ही चढ़ि जाइ जातन सीसा में भरों असर करें निहं ताइ ॥५२०॥ लसत आरसी को हरा श्रीतम वर यह बान गरे परो जनु रीझ छबि सस घर कोट कलान ॥५२१॥ मदन परवं को पाइके जुरी रूप की जात हग मन धन कों देत है छिब सोदा छै जात ॥५२२॥ कोट भानु दुति दिपत है मोहन छिगुरी छोर याते बरनी ओटहू हग हेरत वह ओर

(१) छोड्दे । (२) परेख = पछताव ।

लगन बर्नन।

नैनन की अरु करन की तारी तारी दोइ मीत पूछ यह बात तूं जिहि निरधारी होइ॥ ५२४॥ यह बिचार छिब रस इन्हें बार बार तूं प्याइ प्यास और तैं सोगुनी लगत घाइलन आइ॥५२५॥ इही मतो ठहराइये अली हमारे जान जान न दीजे कान्ह कों जान दीजिये जान॥ ५२६॥ रसानिधि जब कबहूं बहे वह पुरवइया वाइ लगी पुरातन चोट जो तब उभरति है आइ ॥५२०॥ जो किहये वह बात तो कहे कोन पतियाइ लागो सोंहन करन मन मीत सोंह ना आइ॥५२८॥ नैन चकोरन है ठखों जब सिस मुख कौं आइ तब याकी चितचाह कछु तुम कों जानी जाइ ॥५२८॥ जदिप रसिकनिधि अमित हुव पुन निसि तारे होत। सिस बिन छखे चकोर के निह निसतारे होत ॥५३०॥ ज्यों तू उत मुर जात हैं त्यों गिरवर मुरजाइ तेरी या मुर जान पे मेरो मन मुर जाइ 1145811 मेरों सों होतो अरे तेरों चित्त अधीर व्यापी होती जो कहूं तोहि बात की पीर ॥ ५३२॥

भेजो सुमन सनेह मैं कछुक पथिक के साथ बाह लगायों के नहीं गात आपने हाथ ॥ ५३३॥ दिवस बितावत ब्रजबधू सुरत ध्यान मैं पूर बद्न चन्द्र लिख विरह तम निस को करती दूर॥५३४॥ क्यों बिसराई भावते जिय तें मेरी याद (१) घुँगरुन मिस बज करत हैं मन मेरों फिरयाद (२) ॥५३५॥ सब दुरद्न को ज्यों द्वा जग में बिधि कर दीन । वेदरदी महबूब की काहे खोइ न दीन जों पसु ऊपर ऊपजे दया कसाइ न चित्त तो दयाल हो वैसही नेहन ऊपर मित्त ॥ ५३०॥ यामें कछ टोटों परों (३) के हम बिडतों कीन (४)। मन पलटे सुन हे सखी लाल मनोहर लीन ॥ ५३८॥ सुन वे रसनिधि भावते कहैं जताऊ तोह मजलूमन के जुलम को रबादार मत होह ॥ ५३८॥ उड़ों गुड़ी छैं। मन फिरें डोर लाल के हाथ नेन तमासे को रहे लगे निरंतर साथ 11 78 0 11 प्रान रहत है देह मैं देह प्रान की पाइ आसिक औ महबूब बिच यह कछु भेद दिखाइ॥५४१॥ (१) स्मृति। (२) शिकायत। (३) घटीपरी। (४) मुनाफा। निस बासर घन स्याम पे चहे स्वाति छवि बुँद हगचातिक लखि आन रस रहे चौंच पल मूँद ॥५४२॥ बिन कारज लागों रहो कारज सम दग बाल निस बासर मन भावतों स्यामल रूप रसाल ॥५४३॥ हित विसात धर मन नरद चलके देइ न दाव यासो प्रीतम की रजा बाजू खेळत चाव नगर बसें न गरें लगें सुनिये नागर नार पगरे रगरे सुमन छै डारे बगर बहार 1484 भार होत पीरी लगी याते सिसमुख जोत सरसन द्रद चकोर की आइ हिये सुधि होत ॥५४६॥ सके न बिछुरन मीत सह सके (१) कहति इत आव। दुविध कठिन नेहिन अरे कहु का करे उपाव ॥५४०॥ लगन लाग दुउ एक सम इनमें अंतर येह वह आसा लीने रहे यह आसा तज देह ॥५४८॥ सीखे त्यों अहिबरन (२) ज्यों काची विद्या जाइ चित्त चकाबू आइ के तुम पे कढ़ों न जाइ॥ ५८८॥ जिन नेनन को है सही मोहनरूप अहार तिन कों बेद बतावही लंघन को उपचार ॥ ॥ ५५ ।।

(१) संकोच करै। (२) अर्जुन के पुत्र।

जसुमति या ब्रज में कहों अब निबाह क्यों होइ तब द्धिचोरी होत ही अब चितचोरी होइ॥५५१॥ अपनो सो इन पे जितों लाज चलावत जोर कवलनुमा लें। हग रहे निरख मीतमुख ओर ॥५५२॥ किसले (१) दल के बान जे घाले अंबुज ईठ अजों फिरत है अिि लखों हरद लगाये पीठ ॥५५३॥ परसों सुनु नँदलाड्ले चरन तिहारे भाल चोर चोर चित छेत हो जोर जोर हग छाछ ॥५५४॥ नैन लगे वे जाइ के यह कहनावत आइ हग मृग त्यों चित चाह वह लगत मीत सों जाइ ॥५५५॥ जो तूं चाहत प्रेमरस याको यहै उपाव कर गुरु चातक मीन कों तब हित मग धर पाव ॥५५६॥ एक कटे एके पड़े एक कटन कीं त्यार अड़े रहे केते सुमन मीता तेरे द्वार ॥ ५५०॥ जो तूं उर लगती कहूं चंद लगन की बान दुबिध कठिन परती गरे चित्र चकोर को आन॥ ५५८॥ सिस चकोर हग आरसी लिख अपनो मुख आइ । अनदेखें देखें यहें लिगयों हगनि सुहाइ

(१) नव पल्लव।

चाहत हैं रिव को उदो हर विधि विधिहं मनाइ रात परे (१) दिन (२) परत है चकई चकवन आइ॥४६।॥ जाहि लगे तें तुरतही सिर नहिं धुनै सुजान ना वह रूप न बात वह ना वह तान न बान ॥४६१॥ उदों करें निह हिय अवनि जब लिंग चाह दिनेस तब लग सूझे दगन क्यों बिकट पंथ पियदेस ॥४६२॥ न्यारे करके जाचती चात्रिकवन मे बाह सब निस मारे बाहि जो धनि तेतो निरवाह ॥५६३॥ लगे न जे दग ठालची जब तें लखे सुजान चित चाइन वारन लगे जान जान पर जान ॥५६४॥ कुंदन सी वह बाल कीं हीरा लाल लगाइ रतन जटित की दुति तबे छीछा हग सरसाइ ॥५६५॥ परहथ परो छुड़ाइये जो कछु गड़ गुथ होइ मोहन मन घर वात को छै राखो तुम गोइ ॥५६६॥ किह चकोर क्यों जीवतो चंद बिना निस पाइ चंदमुखी करती नही कहूं निसा न सहाइ सोरठा। निसदिन चाहत तोहि, ज्यों निधनी धन को चहै। प्रीतम हितकर मोह, दे दोलत दीदार की ॥ ५५८ ॥ (१) रात भये। (२) दिनपरत = मुसीवत पड़ती है।

दोहा। मोह तोह मेहदी कहूं कैसे बने बनाइ जिन चरनिन सौं मैरची तहां रची तूं जाइ॥ ५६०॥ ज्यों ज्यों वह मनमोहनी सुन्दरता नहिं छेइ त्यों त्यों रसानिधि के मने संगहि ताने देइ ॥ ५०० ॥ माखनचोरी सों अरी परीक रहो नँदलाल चोरन लागों अब लखों नेहिन को मन माल ॥५०१॥ प्रेम लगन कुलकान सों नैक न आई रासि वह चल प्रीतम पे गई वह गुरु लोगन पास ॥५०२॥ प्रीतम किह यह बात कों जानो जात न हेत मो हग तारन कौन विधि बद्न चंद्र भर देत ॥५०३॥ जब तें वह सिर पर दये हेरन मैं तह बील पल घर में बैठत नहीं तब तें हग है सील(१)॥५०४॥ लगे रहत नँदलाल सौ स्याम रँगीले गात रसनिधि तारे हगन के यातें स्याम दिखात ॥५७५॥ हग सेवक न्परूप में ऐसी सानियत हेत ये मन हीरा देत हैं वे छिब हीरा देत ॥ ५७६ ॥ मगजी ज्यों लागी रही सुन्दर दावन साथ हाइ भावते की कही मगजी लगी न हाथ ॥ ५७७॥

१ मोहर।

लागे सकत सनेह जहँ जानत वहें सरीर सुन्यों न लोहे लहत कहुँ घाइल दिल की पीर ॥८७८॥ मोहनमुख इन हगनं ने जा दिन ठखों न नैक मित लेखों वह आव (१) मैं बिधु लेखन (२) छै छैक॥५०६॥ तुव आवन हित पावड़े राखे पलन विछाइ निधरक धर पग हगन पे बरुनी अनी बचाइ ॥५८०॥ रे तबीब तुम सों हमें नैक न ऐहे रास विरह दरद की है दवा वा स्यामिलया पास ॥ ५८१॥ आसिक अरु महबूब बिच अन्तर इतौ सुजान इनके हग अँसुवन भरे वे हग रूप गुमान ॥ ५८२॥ देखत क्या और नमें छै छै मुख की ओर जानत वा मुखचंद रस मजनू नैन चकोर ॥ ५८३ ॥ होता कहूं इलाज सो जोवन का दिल साद दरदवन्त रहते बनै क्यों मजनू फिरहाद ॥५८४॥ जदिप दीप तें अमित छिब रिबहूं में सरसाइ कब पतङ्ग तजि दीप की वा तन झांकत जाइ ॥५८५॥ जी कबहीं फेरा करे छै छै स्वातिह बेर कफन चाक मजनू करें उठें गोर तें फेर ॥५८६॥ २ हिसाव । १ आवरदा।

छैउ न मजनू गोर दिग कोऊ छैछै नाम दरदवन्त को नैक तो छैन देहु बिसराम ॥ ५८७॥ हग सुखपाल लिये खड़े हाजिर लंगन कहार पहुंचायो मन मजिल तक तुहिं छै प्रान अधार ॥५८८॥ कोन कला तुव हग लगी सांची कहि किन देत पवन सरूपी मनिह तूं बांधि मुठी में छेत ॥ ५८९ ॥ जाको चित चोरो गयो या जिहि लियो चुराइ मीत नफा कहि को भरी सांची धों कहि आइ॥५९०॥ मेरेई उर बैठि के मीत बिलस इहि आइ छिपि हैं नहि मनिलाल जैं। चोर अनत लै जाइ ॥५९१॥ लगे लगन को सुख भले अब जाननि ब्रजराइ मो मन के पूरन भये सबै मनोरथ आइ ॥ ५९२ ॥ सुध न रही देखतु रहे कल न लखे बिन तोहि देखें अनदेखें तुहें कठिन दुहूं बिधि मोहि॥ ५९३॥ बड़ों धरिन आकास तैं छिष हिय छैं। है जाइ हग तारन के तिलन में बसी भु मोहन आइ॥५९४॥ तुव मरजी सौ मन लगों के बेमरजी आइ बूझ देख हग आपनन मीता सौंह दिवाइ ॥५९५॥ दुखी इकङ्गी प्रीत सौं चातक मीन पतङ्ग घन जल दीप न जानहीं उनके हित को अङ्ग ॥५९६॥

६८

सब निस जाकी चाह मैं जरत रहे ढिग दीप तुरत बुझावत निरदुई होत न मीत समीप ॥५९७॥ मन के साटै (१) भावती देत पाव नहि पीन और नफा को आसरो तहां करे कहु कीन ॥ ५९८॥ चङ्क जो होता बैद की दिये दवा मौताद क्यों नहिं सिर के दूरद मैं सिर देता फिरहाद ॥५९९॥ एके आई वार मन एके भई तयार गुद्री सी लागी रहें रसनिधि नंद्दुवार ॥ ६००॥ नींद दहन के दगन मैं सके न पल ठहराइ जो चोरी को फिरत है जिहि चित चोरी जाइ॥६०१॥ हित मन को पहिचानि जों सिस ठखतो वह ओर। चुनते चौंच अँगार छै काहै काज चकोर ॥ ६ २॥ जानत है अरे छछा तूं काहूँ को हाछ घाइल कर मृग कों विधिक जैसो फिरत खुसाल।।६०३।। आवत जोगी हुं। छगे नित फेरी दें जान पल खप्पर भर चहत है लाल रूप की दान ॥६०॥ प्रेम वर्नन-सोरठा। दोज ससी ज्यों प्रेम, राजत स्याम अकास में आड़ी भीत जु नैम, ता ऊपर हो देख छै।।६०५॥ १ बदले।

दोहा।

उदों करत जब प्रेम रवि पूरब दिसि तैं आइ कह नैम तम जात है देखों जात बिलाइ ॥ ६०६॥ वांधे जे मन चित्त तें सरस प्रेम की डोर अनख नखन सों भावते उन्हें सके को छोर ॥६०७॥ चसमन चसमा प्रेम को पहिले लेहु लगाइ सुन्दर मुख वह मीत कों तब अवलोको आइ ॥६०८॥ रिझवारे नँदलाल पे मन मेरो न अघाइ घर छों आवत वार के फिर चल वारन जाइ।।६०९॥ राखे हैं हिय सेज में चुन के सुमन बिछाइ अरे गुमानी पलक तो इहां पावँ धर आइ॥६१०॥ हाथ मले जो वह मिले तो मिलये सो बार मिलत रसिक परवीन वह मिलिये हित के तार ॥६११॥ अद्भुत गत यह प्रेम की बैनन कही न जाइ दरस भूख लागे हगन भूखिह देत भगाइ॥६१२॥ कहत रहों कर देहुंगों प्रेम कौंमिया त्यार मन धन छैकर क्यों अरे अब मुकरत है यार ॥६१३॥ राजत है कुन्दन जरी चुनी चुनी ब्रजबाल तामह सोभा देत है मधि नाइक नन्दलाल ॥६१४॥

पथिक आपने पथ लगों इहा रहों न पुसाइ रसनिधि नैन सराय में बस्यों भावतों आइ ॥६१५॥ अकथ कथा यह प्रेम की कही जाइ निह बैन रूपितन्धु भर छेत है पछ प्याछिन में मैन ॥६१६॥ प्रेम नगर में हग बया नोखे प्रगटे आइ दो मन को कर एक मन भाव देत ठहराइ ॥६१७॥ प्रेमिह राखत सजन हिय होन देत निहं नून नुकता कीं राखे रहे जैसे हिय में नून (१) ॥६१८॥ प्रेम नगर मै देत हैं चित चोरन कीं छाड़ नेह नगर इनमा रजे मन धन लीजे डांड ॥ ६१८॥ प्रेम अहेरी की अरे यह अद्भुत गत हेर कीने हग मृग मीत के मन चीते पर सेर ॥ ६२०॥ मतलब मतलब प्यार सौं तन मन दें कर प्रीति सुनी सनेहन मुख यहें प्रेम पंथ की रीति ॥ ६२१॥ बहुत दिना उर मैं भये विच माया के नेम मेहर नजर कर कीजिये मुझे इनायत (२) प्रेम ॥ ६२२॥ प्रेम पियाला पी छके तेई हैं हुसियार जे माया मद सों भरे ते बूढ़े मँझधार ॥ ६२३ ॥

१ नू फारसी का एक हरफ है जिसके बीच में नुकता अ-र्थात् बिंदी रहती है। २ इनायत कीजिये, = दीजिये।

४ जानकी।

न्यारो पेंड्रो (१) प्रेम को सहसा धरो न पाव सिर के पेंडे भावते चली जाय ती जाव नैम न ढूंढ़े पाइये जेहि थल बाढ़े प्रेम रहत आइ हरि दरस के प्रेम आसरे नेम ॥६३४॥ या रस को रसना श्रवन कहन सुनन के नाहिं सेना सेनी बेन को नेना समझ सिहाहिं ॥ ६३५ ॥ गोकुल में मोकल फिरे गली गली गज प्रेम ऊधो ह्यां तें जाव छे तुम अपनो सब नेम ॥ ^{६३६}॥ अमल अपूरब प्रेम को जब तक लियो न होइ असुरारी (२) की बात तुहिं असर कोन विधि होइ॥६३८॥ जब लग रसानिध प्रेम कों अनुभव होइ न जाइ वासों कहिये कवन विधि प्रेमकथा समुझाइ ॥ ६३८ ॥ आन भमायों जगत जिहि रसनिध प्रेम कवाल दरसे तिनहीं के हगन मोहन छाछ जमाछ॥ ६३६॥ रसनिध प्रेम पयोध की अद्भुत सुनो कथाह हैं अथाह नेहन यहें असनेहन (३) कों थाह ॥ ६४० ॥ छूटत जाके नाम तें जड़ चेतन की गांठ तापे छूटत है नहीं सिय(४)कंकन की गांठ ॥ ६४१ ॥ १ रास्ता। २ श्रीकृणचन्द्र। ३ जिस को सनेह न हो। ((1.16.21) (1.1

प्रीतिबर्नन । मन में बस कर भावते कहीं कीन यह हेत प्रगट हगन कों आइके क्यों न दिखाई देत ॥ ६४२॥ केसी कंस सको नही जासौं जोर चलाइ तापर अवला सहजही मुरली लेत छिनाइ ॥ ६४३॥ हिय दरपन कों देख जब पारी (१) प्रीत लगाइ । तब वा महँ नँदलाल को सुन्दरमुख दरसाइ॥ ६४४॥ दीप ओर की बात तो है दीपक के सङ्ग प्रीत आपनी ओर तें देत निबाह पतङ्क ॥ ६४५ ॥ प्रीत अमृत फल जे लगे मन हग सुरभित पाइ मीता इनकों नेक तूं लखि बहार तो आइ ॥ ६४६॥ ज्यों अनिहत कों चहत है त्योंही हित को चाह हित अनिहत में क्या मजा मीत देखि अवगाह ॥६४०॥ घर घर उनहीं के जुरे बदनामी के तोत भाजत जें हित खेत तें नेकनाम कब होत ॥ ६४८॥ उर अकास जहँ आइ के हितृ सिस कियों उदोत प्रीत जुन्हेया (२) कों तहां कहु दुराव कहँ होत ॥६४८॥ रसनिधि नेहिनमुखं सुनी हम यह बात पुनीत हित मगजी दे चाहिये नितही मगजी मीत ॥६५॥ १ पारा। २ चांदनी।

08

मेहर लखी वे मेहर में वेपारे है बीच दूर कियों वे बीच तें प्रीतम सदा नगीच ॥ ६५१॥ डीठ डोर नैना दहीं छिरक रूपरस तोइ मथ मो घट प्रीतम लियों मन नवनीत विलोइ ॥६५२॥ रसनिधि यह नैनन छखों नवल प्रीत के रङ्ग रूप रोसनी दीप मुख नेह लग्यों मो अङ्ग ॥ ६५३॥ मीत बात तहकीक कर यह अतरन (१) में होइ । तन छूटेही सुमन तें जात नहीं हित खोइ ॥ ६४४ ॥ तो तुम मेरे पलन तें पलक न होते ओट व्यापी होती जो तुमें ओट भये की चोट ॥ ६५५॥ इहि विधि भावंता बसों हिल मिल नैनन माहिं खैंचत दग पर जात है मन कर प्रीतम बाहिं ॥६५६॥ जा काहू को देत प्रभु तें लगाइ के हेत फिर तिहि पलकन ओट पल कहु काहे कर देत ॥६५०॥ वह पीतांबर की पवन जब तक लगे न आइ सुमन कली अनुराग की नव तक क्यों विगसाइ ॥६५८॥ कहत पीपलों पीपलों नितिह चैपला (२) आइ मीत खूब यह अरथ को समझ लेहु चित लाइ ॥६५८॥

[?] अतर की जमा। २ चैपला एक पच्छी का नाम है वह जेठ आसाद के दिनों में जंगल में पीपलों पीपलों बोलता है।

मोहन! रस ना आवतो नेक सरद को रास होती कहुं रुषभान की जो न राधिका पास ॥६६०॥ द्रजी या हित थान को कतरन लेहु चुराय प्रीत व्योंत में भावते बड़ो फेर पर जाय ॥^{६६१}॥ सांचो है यह भावते भय बिन प्रीत न होइ बिदित प्रीत भय ते लखो तनदुति पीरी होइ॥६६२॥ जबही मोतन पै करें आइ काम (१) री वार (२) तबही लेत बचाइ के आइ कामरीवार ॥ ६६३॥ अद्भुत गत यह प्रेम की ठखीं सनेही आइ जुरे कहूं टूटे कहूं कहूं गांठ परि जाइ ॥ ६६४॥ प्रीत तार अरु तार में राग जोत ठहराइ छे छुटे करतार तो फिर कुतार है जाइ ॥ ६६५॥ देखत तेरे लेत है तन प्रसेद सो बोर यामें तेरी खोर कहु या कुछ मोरी खोर ॥ ६६६ ॥ श्रीत श्रीत हटतार तें नेह जु सरसे आइ हिय तामे कों रसिकनिधि बेध्न तुरतही जाइ ॥६६७॥ औरन के हित तार कीं कढ़ि आवत है छोर सुनियत सारस प्रीत इक जग में निवही वोर ॥६६८॥ १ कामदेव । २ चोट ।

श्राधीन तार।

अरे रसिकनिधि भावते धरौ जितै तूं पाइ तिहि मगमें मो हगन कों लीजे पहिल बिछाइ ॥६६९॥ हिय सीसा (र) मधं हित अतर जितौ राखिये बन्द । खसबोई (२) वाकी तिती रसिनध रहे सुछन्द ॥६७०॥ ऐसी गति कछु प्यार की सुनिये जानी यार मन तुव तावे (३) रहत है ज्यों कर ताबे तार(४) ॥६७१॥ बिटते को सौंप्यो हतों में तेरे कर हाल है मन कों तो एक मन कर दीनों नँदलाल ॥ ६०२॥ यह अचरज ठख में हियों कछु बिहँसी अनखाइ । चार हगन में दुहुन कों मूरत चार दिखाइ॥ ६०३॥ प्रीतम चसमा प्रीत कों टुक तो देख लगाइ दिये पीत चसमा दगन चहुदिस पीत दिखाइ ॥६०४॥ रँगो गयो मन पट अरी स्यामिळया के रंग कारी कामर पें चढ़े अब क्यों दूजी रङ्ग ॥ ६७५॥ ह्यां लग रसनिधि प्रीति को चटकीलो रँग आइ मन पट जासी रँगतहीं आभा हग द्रसाइ ॥ ६०६॥ और चोट बच जात है कछुक पाइ के ओट पलक ओट प्रीतम भये लागत दूनी चोट ॥ ६००॥ १ बीच। २ खुरवृ। ३ आधीन। ४ जैसे हाथ के

बड़ी बेर को जो खड़ी दुखित रावरे पाइ (१) रसनिधि हिय के तखत पे बैठ भावते आइ ॥ ६०८॥ रे नेही मत डगमगे बांध प्रीति सिरनेत (२) सहु वे सरस कटाछ सर रहु साबित हित खेत॥६७८॥ मेरेई अनुराग में कछु इक खोट दिखाइ जातें मन पट लाल को हो न रँगीलो जाइ॥ ६८०॥ चसमन तें तुम रीत वह चसमन लेहु सिखाइ विन चसमन अनुराग के चहुं दिस ठाळ दिखाइ॥६८१॥ दुरखी आवत काम ज्यों तापर एक कमान दुरखी वरखी जात है प्रीतम प्रीति निदान ॥ ६८२॥ नेह वर्गन। नेहिन के मन कांच से अधिक कनकने आइ हग ठोकर के लगतही टूक टूक होइ जाइ ॥ ६८३॥ जा सनेह सौं व्रजबधू मिळी जाइ घनस्याम ता सनेह कों करत हों बार बार परनाम सपनेहू आये न जे हित गिल्यन मिझयाइ तिन सौं दिल को दुरद किह मत दे भरम गमाइ॥६८५॥ नेह लगे सैये बदन चिकने सरस दिखाइ नेह लगाये भावतो क्यों रूखो होइ जाइ 114= [11 १ पैर-पांव। २ निशान कलगी।

सरस सुमन सौं बास के तिल समान सौं पेर कीन्हों नेह तयार जहँ मीत रुखाई हेर ॥ ६८७॥ असनेही (१) जाने कहा नेही मन अनुराग कहं हंसन की चाल कीं चल जानत है काग ॥६८८॥ तिल तावे हैं भावते नेह त्याग पिर जात पेरेह छोड़े नहीं नेही नेही गात 115251 तेरे नट पट नैन ये कछू न जाने जात जाही तन में तूं बसत तेही पेरे जात ॥ ६८० ॥ जारत दीप पतंग कों या आसा सों आइ छेत सनेही जान के यातें जोत मिछाइ ॥ ६८१॥ जैसे दुवि अच्छर मिले नाम कहावत नेह जुगळ किसोरी परसपर यह विधि सुनौ सनेह ॥६८२॥ हेरत नेक न सामुहे मुख मोरे री जात चित चोरेई जात हित जोरेई चित जात ॥६८३॥ और लतन सों हित लता अद्भुद गति सरसाइ। सुमन लगे पहिले इहे पाछे के हरियाइ ॥ ६८४॥ बिधि पांडे बहु जतन सौं वहुतन में तो टोइ (२)। हित पाटी मैं लिख द्ये नेहि आंक देव मोइ ॥ ६८५॥ १ जिसके सनेह नही। २ टोइनाम चुनकर के तलास करके। नेह मोइ रिस रेसमिहें गांठ दई हित जोर चाहत हैं गुरुजन तिन्हें अनख नखन सौं छोर ॥६८६॥ हित वतियन(१)की रसिकनिधि लखिं अद्भुत गति एह। प्रीतम मुख पर जोत है मेरे हिय मैं नेह(२) ॥६८०॥ स्वच्छ सुतिय तन भूमि लहि जहँ पानिप सरसाइ। मन माली दीनी तहां हित की लता लगाइ ॥६६८॥ नेह लता उर भूमि भये जो यह दो दो पात सुमन सहित अनुराग फल तासौं लागत जात ॥६८८॥ या झीने हित तार मैं बल एतो अधिकाइ अखिल लोक को ईस जो जासो बांघो जाइ॥ 👓 ॥ नेही लोहा नूर लखि कटत कटाइन माह असनेही हित खेत तिज भागत छोहे जाह ॥ ५०१॥ नेहिन के मन भावते बिरह आंच सो ताइ कंदन सों कर छेत है रूप कसोटी लाइ ॥ ७٠२॥ नेह नगर में हित बया यह कर दीनों भाव मन के साटे मिलत जहँ भाव तरजुवा पाव ॥ ७ • ३॥ नेह अतर की चिकनई जेहि हुग परसी जाइ झलकत जलकन की रहें विच नहि पलकन आइ॥००४॥

१ बाती। २ तेल।

या घट के सो टूक कर दीजे नदी बहाइ नेह भरेह पे जिन्हें दोर रुखाई जाइ 1 004 1 रूखे रूखे जे रहत नेह बास नहिं लेंइ उन तें वै मिखयां (१) भली नेह परिस जिय दें इ॥००६॥ हितराजी में राखवी चित राजी की बात इतराजी कर कहुं सुनै प्रीतम नेहनिभात (२) ॥ १० ॥ यामें कछ धोखों नहीं नेही सूर समान दोऊ सनमुख सहत हैं हम अनियारे बान ॥ ७०८॥ कहिबे को कोऊ कही बातन के विस्तार सुरझाये कहु कौन नै वर उरझे हित तार ॥ ७०६॥ प्रीतमही तें नेह को होन न दीजे छीन नेह घटेही लगत है दीपक जोत मलीन ॥ ०१०॥ मृद् बिहँसन मुसक्यान में कर नेही हग बंद (३)। काहे को खोलत अरे तें ये जुलफन फंद ॥ ७११॥ विधिहं ते जे अधिक है नेह सु मेरे जान मीत दरस कों देत कर नेनमई तन प्रान ॥ ११२॥ मन माठी हिय भूमि मैं बोवे हित को बाग मोहन आन निहारिये लागो फल अनुराग ॥ ०१३॥ १ माखी = माखी तेल (नेह) मे पड़तेही मरजाती है।

२ निभेत । ३ नगर बंद ।

सोरठा। गिर तें गरुओं नेह, असनेहिन हरुओं छगे व्यापत नहिं वह देह, अवनि (१) भार जस बासुकहिं (२)॥ दोहा। बिन दामन सों दाम छे सुनी न अब तक बात विन दामन हित हाट में नेही सहज विकात ॥७१५॥ उते रुखाई है घनी थोरो मुझ पे नेह जाही अंग लगाइये सोई सोखे लेह ॥ ७१६॥ वार वार ब्रजबाल कों यह विध हियो डराइ नेह लगे मोहन दसा मत हमसी (३) होइ जाइ॥ ११०॥ रूप चिराक (४) चिराक की गत एकेई जान दुओं नेह सौं करत हैं प्रगट रोसनी आन ॥ ११८॥ सुंदर पलकन पे लसे ये निस तारे आइ रसनिधि नेही दिलन के ये दृग तारे आइ॥ ७१६॥

व्यङ्ग बचन ते कढ़त है जो कोई धुन आइ । ताहि समझ नेही हियो बार बार अकुलाइ ॥ ^{७२} ॥ मांगत बिधि सों ब्रजबधू प्रन (५) पत कर बड़ येह । हम सों मोहन नेह के हम सों करे न नेह ॥ ^{७२} ॥ १ पृथिवी । २ शेषनाग । ३ हमारी ऐसी ।

४ चिराग । ५ दंडोत ।

धनि (१) हग तारन के जु तिल जिन मैं स्याम सनेह। बिना नेह के तिल किते परे रहत हैं देह ॥ ७२२॥ चित इक हित बहु सजन यह कर देखो हिय गीर । धरी जात कहु कौन विध एक वस्तु छै ठौर ॥ १२३॥ हित लालहिं ले हिय डवा जेतो धरो दुराइ होत जोत वाकी प्रगट तऊ हगन में जाइ ॥ ७२४ ॥ श्रवन सुनो है यह नयों नेह नगर में भाव देत न तहँ मन भावतो मन के साटे पाव ॥७२५॥ नेह नगर मैं रीत यह लखों अनोखी वाहु रसनिधि चित के चोरह्र विदित कहावत साहु॥७२६॥ मन विकगों हित हाट मैं नन्दनदन के पान (२) ऐसी समयी जुरत है परम भाग तैं आन ॥७२७॥ चितवित नेहिन के जहां निवहन पावत नाहिं असनेही निरभै फिरे मन नग लादे जाहिं॥७२८॥ हरुवो (३) हरुवो धरन पे धरिये प्रीतम पाइ सुमन सनेहिन के बिछे मत कहुँ विछ्छै जाइ॥ २२६॥ द्रदु द्वा दोनों रहे प्रीतम पास तयार नेहिन को निरवाहवों वाही के अखत्यार ॥ ७३०॥

१ नेत्रों के तारे धन्य हैं जिन में स्थाम का सनेह है और ऐसे ती बिना नेह

के तिल देह में बहुत रहते हैं। २ हाथ। इ इलके।

दरदिह दे जानत लला सुध लै जानत नाहिं कहो विचारे नेहिया तुव घाले कित जाहिं ॥ ७३१ ॥ अद्भुत बात सनेह की सुनौ सनेही आइ जाकी सुध आवे हिये सबई सुध बुध जाइ॥ ध्रेर ॥ कहनावत यह में सुनीं पोषत तन कीं नेह(१) नेह(२)लगाये अब लगी सूखन सिगरी देह ॥ ७३३॥ और जवाहिर की प्रभा जहीं धरो तहँ होत हित मानिक की जगत में सरस प्रकाशित जोत ॥ ७३ ४॥ रूखी राखिह कहत सब मोह अचम्भो येह पटहू केवर लाग बहु खेंच नेह कों लेह ॥ ७३५॥ बोलन चितवन चलन में सहज जनाई देत छिपत चतुरई कर कहूं अरे हिये कों हेत ॥ ^{०३६}॥ बांध अरे हित यार कों पहिले मुहकम आइ तब गहिरों होके इहां नेह नीर ठहराइ 11 030 11 मीता तूं चाहत कियों रूखी बतियन जोत नेह बिनाही रोसनी देखी सुनी न होत ॥ ^{०३८}॥ नेहिन पे मनभावते मति तें रूखो होइ राख रुखाई देयगी नेह चिकनई खोइ 11 958 11 १ तेल। २ सनेह।

तूं इनसों नित व्याज की कथा चलावत आइ नेहिन तों मनधन दियों तुहि निरव्याजों ल्याइ ॥२४०॥ नेह ललक वन सो भये हित सो झीनो तार मन गयन्द तासौं बँधौ झूमत प्रीतम द्वार ॥ १८४ ।। आप बसाते सजना नेहन दीजे जान नेही तिल नेहैं तजे खरि(१)हो जात निदान॥ ७४२॥ अथ कृतभाव। रूपिसन्धु मिथ स्याम दृग मोहन बनक बनाइ दोनों नेहिन बिरह बिष छबि मद असुरन प्याइ ॥ १४३॥ तुम गिरि छे नख पे धन्यो इन तुमकों हग कोर दो में ते तुमही कहीं अधिक कियों केहि जोर॥ 288॥ तिन मुख तों चहियत हतो हरिबध विधिह मनाइ। मळी भई जो सिंव भयो मोहन मथुरै जाइ ॥७४५॥ वारक तुम गिर कर धरौ गिरधर पायो नाम सदा रहीं तुम्ह उर धरे उनकीं अवला नाम ॥७४६॥ पोर पोर तन आपनो अनत विधायो जाइ तब मुरली नँदलाल पै भई सुहागिन आइ ॥७४७॥ तेरे घर बिधि कों दयों दयों न कोऊ खात गोरस हित घर घर ठला काहे फिरत ठलात ॥७४८॥ १ खल = खली, निर्दर्इ।

घट बढ़ इन मैं कौन हैं तुहीं सामरे ऐन तुम गिरि छै नख पै धऱ्यो इन गिरधर छै नैन ॥७४९॥ जान अजान न होत है जगत बिदित यह बात वेर हमारी जान के क्यों अजान होइ जात ॥ ७५०॥ नंदलाल सँग लग गये बुध बिचार बर ज्ञान अव उपदेसनि जोग व्रज आयो कौन सयान ॥ १५१॥ यह अब कौन कलानिधी कहों कलानिधि आप होइ सुधाकर करत हो बिरहिनि तन संताप ॥ १५२॥ इनसों घट भर छीजिये यामें नहीं विवाद जान सके रसकूप कों रसना कहा सवाद ॥ ०५३॥ के राखों कर मैं छला के मन को ब्रजनाथ एक हाथ मैं ये दोऊ कैसे रहिहै साथ सुमिरत जग के चरन कों मोह जगत के जाहि निरमोही जो होइ वह कोन आचरज आहि ॥ १५५॥ मोहन तेरे नाम को कहो वा दिना छोर व्रजवासिन को मोह के चलो मधुपुरी ओर ॥ ७५६॥ जो चकोर सम आवतौ लखि तुहि सरसिजमाल(१)। होतौ विदित चकोर तिम ससि तेरोई हाल १ (फारसी) खूबसूरती।

खल = दुष्ट ।

यामें कछु घोखों नहीं सुनों सन्त अभिराम नेह चिकनई खोइवो है खिलही (१)को काम ॥ ७५८॥ आप लसत बैचत मनिह रसिनिधि कर बिन दाम । नेनन में ने नाहिये याते नेना नाम कहा भयो तोकों दयो बिधि जो सरिसज माल तो हेरत हर हो छछा काहू को मन छाछ ॥ ७६० ॥ बचो रहो चित चोट तें मेरे मोहन लाल चोट लगे हुइ जाइगों मेरोई सो हाल अँधियारी निस को जनम कारे कान्ह गुवाल चितचोरी जो करत हो कहा अचंभो ठाठ ॥१६२॥ सुध छै जानत हो कछू के भोहैंई तान यही बूझ पे आप तुम बड़े कहावत जांन ॥ ०६३ ॥ जिन मोहन नै सहज में नख पर धरो पहार भारी कैसे के लगे तिनहि बिरह को भार ॥ ७६४॥ गिरधर लियों छिपाइ के तन तिनका की वोट और कहा कछु कलन की अली वांधियत मोट ॥२६५॥ होत सनेही को तहां कहु कैसे निरवाह चित बित हर दग रावरे जहां कहावत साह ॥ १६६॥ १ खली, जो तेल निकलने के बाद सीठी बच जाती है,

तीन पैर जाके लखौ त्रिभुवन मैं न समाहिं धन राधे राखत तिन्हें लोइन कोइन माहिं॥ १६०॥ इंद्रगरब हर सहज मैं गिर नख पर घर ठीन इह इतना बितना भरा^{१)}कहु कितना बल कीन॥^{७६८}॥ गोपी जो तुहिं प्रेम करि करतीं नहीं सनाथ को कहतो तुहिं नंदसुत जग में गोपीनाथ जदिप भयों है सिस अरे मनहीं ते उतपन्न तऊ चकोरन मन विथा नीको जानत धन्न ॥ ๑०٠॥ जो नहिं होतो जगत में मोंसों कुटिल निकाम तो क्यों होतो प्रगट तुव अधमउधारन नाम ॥ १००१॥ जो प्रभु तुम हो भक्तपति पतितन को पति कोन तुमही देहु बताइ मुहिं भजेों जाइ हों तोन ॥ ७०२॥ अधमउधारन नाम कों फिर के धरो सुधार के प्रभुज़ या अधम को हर बिध देहु उधार ॥ २०३॥ लखि यह बिष धर सांवरीह अचरज लागत मोह । अमी रुष्टि तन होत है जाहि, दृष्टि सौं जोह ॥ ७०४॥ यह बिध ने तोही दई अजब करामत (२) हाथ रिब तरवन राखे रहे तें निज मुख सिस साथ ॥ १९९५॥ १ कोटासा। २ यह करामात है कि रवि (सूर्य) वा सप्त (चन्द्रला)

को साथ रखती है - एड़ी को सूर्य और मुख को चन्द्रमा करार दिया है।

रसिनिधि कारे कान्ह ये रहे मधुपुरी छाय । विष उगलत ऊधों फिरें अचरज लिख यह आय॥१००६॥ रसिनिधि मोहन नाम कों अरथ न लिय निरधार । प्रथम समझ तव कीजतों वासों प्रीत विचार ॥१००६॥ हिये नगर वा लगत है लगत न गरुवे आइ । येते पर सबही कहें तोह नगरुवा आइ ॥ ००००॥ बिरह बर्नन।

जवही जड़ हुइ जात है मिलत बात लग सीत तब हित पावन लगत है विरह आंच सो मीत॥ १००१॥ बड़ी बिरह की रैन यह क्योंहूं के न विहाइ मीत सुमुख दरसाइ के इहां सुदिन कर आइ॥१८०॥ कहो नैक समुझाइ मुहिं सुरजन प्रीतम आप बस मन में मन को हरों क्यों न बिरह संताप॥ ५८१॥ गोवरधन नख धर छियों गोपी ग्वाल वचाइ अब गिरधर यह विरह सिर क्यों न उठावत आइ॥७८०॥ मोहिं जिवायों चहत जो तो यह फेर कहाइ सखी कहानी कान्ह की कानन सुनी सिहाइ ॥ ७-३॥ जो न मिलेंगे स्याम घन वाहि तुरतही आइ बिरह अगिन सों राधिका देहें ब्रजहि जराइ॥१८४॥

छिन भर बिन प्रीतम लखें नेना भर भहरात धीरज पारद कहुँ सुनौ बिरह आंच ठहरात ॥ ७८५॥ विरहअग्नि सुन सुन लगे जब जब उर मै आन तब तब नेन बुझावहीं बरस सरस अंसुवान ॥१८६॥ आपुन तो है भावते सोहत हो सुख सेज मो तन त्रासंत रहत हो बिरह पियादों भेज ॥७८७॥ प्रीतम अपनी बाह ज्यों निपट निकट दुरसाइ पे टिहुनी पर्वत भई मुहि तक सके न आइ।।७८८।! रे तबीब उठ जाइ घर मत निकास गुन पोत विरहजरे दीने जरी (१) कैसे चड्डे होत ॥ ७८९॥ यह बूझन को नैन ये लग लग कांनन जात काहू के मुख तुम सुनी पिय आवन की बात ॥७९०॥ आसिक बिछुरन दुरद को सकतो नहीं अँगेज जोऽव दिलासा की दवा मीत न देती भेज ॥७९१॥ सुध आवे जब मीत की घन जिमि बरसत नेन थिकत रहे वाही पथिक जिमह सांच मुख चेन ॥७९२॥ श्रीषम बासर विरह के लगे जैनावन जोर आइ इते वरसाइये रस घनस्याम किसोर ॥ ७९३॥

१ जड़ी बृटी।

९ ०

राखत असुवन जलभरे पलकन आठों जाम तलकत जद्दि सुनीन हम विनालखें घनस्यामा।७९४॥ यन धन हनों विसात जो सो तोहिं दियों वताइ । बाकी बाकी बिरह की प्रीतम भरी न जाइ ॥७९५॥ गुन खोंवत ह्या आपनों रे तवींव वेकांज । नेन जहमतिन कों लगें मोहनक्ष इलाज ॥ ७९६॥ विन दरसन सरसन लगों विरह तरिन तन जोर । आइ स्यामघन वरिसये मेह नेह यह ओर ॥७९७॥ सोरठा।

प्रीतम प्रान अधार, निसदिन हिय में बसत हो। विरह अग्नि उपचार, जारत हो जानत कछू॥७९८॥ दोहा।

विरह सिन्धु अवगाहि मन लग्यों करार (१) करार (२)। प्रीतम अजो उवार लें कर गहि वांह पसार ॥७९९॥ यासत चित्त गयंद कों विरह याह जब आइ । हिर प्यारे मन कमल लें नेही देत छुड़ाइ ॥८००॥

जब लग कांचे घट पके विरह अग्नि में नाहिं। नेह नीर उनमें अरे भरे कीन विधि जाहिं।।८०१॥

१ करार वादा। २ करार किनारा।

घट जाती संजोग में तब न कियों में घेर (१) भावन्ता विन निस अरी क्यों बढ़ि करती बेर ॥८०२॥ दरस मूर देतो नहीं जोठों मीत चुकाइ बिरह व्याज वाको अरे नितह बाढ्त जाइ ॥८०३॥ यहि डर सो हों डरिप के सकों न नेह लगाइ मत वह परसे तन बढ़े बिरह अनल झहराइ ॥८०४॥ रही न तन की सुध वहें कहत बुळाये आइ यह ओसर है वाहि अब मीत आइबी आइ॥८०५॥ वेग आइ के मीत अब कर हिसाब यह साफ मेहर नजर के बिरह की बाकी कर दे माफ ॥ ५०६॥ जो कहुं प्रीति विसाहनी (२) करतो मन नहिं जाइ। काहे को कर (३) मांगतो बिरह जगाती आइ॥ ५००॥ कंचन से तन मैं इहां भरों सुहाग बनाइ विरह आंच वापे कहो सही कोन विधि जाइ।। 🗠 ।। कियों समुद मुनि (४) पान जो सो भरतों क्यों ऐन। करते जो न सहाइ जा पानी कर तुव नैन ॥ ८०६॥ अरे कलानिधि निरदई कहा नधी यह आइ पोखत अम्मृत कलन जग बिरहिन देत जराइ ॥ ४०॥ १ गिल्ला शिकायत । २ खरीद सौदा । ३ जगात मह-

सूल। ४ अगस्तमुनि।

पोर पोर पेरत तनिह विरहा दे दे ताइ हग प्यासन कों रूपरस प्यारे प्या रे आइ ॥ ८११ ॥ का गद (१) कागद मैं अरे सहै बिरह की बात मस मिस लिखत निअङ्क ते हिये पार होइ जात ॥=>=॥ तीछन बान जो विरह को तान (२) दियो तन माह। सज्जन चुम्वक (३) उर बसे तातें निकसत नाह ॥ ५१३॥ रहे जु कान्ह सुहाग सँग जे सुवरन से गात बिरह घाम की आंच सौं ते कैसे ठहरात ॥ ५१४ ॥ मिल कर तब सुख देत है मोहन प्यारे ईस बिछुर चळावन अब ळगे विरह आर कस^(४)सीस॥^{८१४}॥ हित आचारज हग सुवन नेह सुघट भरछते बिरह अगिन में मेन द्विज मन की आहुति देत ॥ १९६॥ रसनिधि पलभर होतही भावंता पल ओट नहीं सम्हारी जात है यह अनचाही चोट ॥ ५१०॥ बात (५) बात मो दरद की पहुँचावै तुव कान ब्रहि आसा घट में रहें,ये अनुरागी प्रांन ॥ ५१८॥ जे अखियां (६) बैराइहीं लगे विरह की वाइ प्रीतम पगरज को तिन्हें आँजन देहु लगाइ॥ ^{८१८}॥

१ कहां की मोटाई कागद में है। २ घालदियो। ३ चुस्वकपत्यर। ४ श्राराजि ससे लकड़ी चीरी जाती है। ५ पवन हवा। ६ जब श्राई हुई श्रांख हवा लगाने से बिगड़जाती है श्रीर दरद करने लगती है उकको बैराना कहते हैं।

निकसत नाहीं जतन कर रही करेजे साल चुम्वक मीत मिले बिना बिरह साल की भाल॥ ६२०॥ रे निरमोही मनहरन आरे आरे आइ भारे भारे विरह के मत मो सीस चलाइ ॥ ८२१॥ कहियों पथिक सँदेस यह मनमोहन सोंं टेर बिरह बिथा जो तुम हरी हरी भइ ब्रज फेर ॥ ८२१॥ पल अंजुरिन सों पियत हम जल अंसुवा भर सास। गनत रहत है अवधि के दिन पखवारे मास ॥ ५२३॥ पलक पानि (१) कुस बरुनिका जल अँसुवा दुज मैन । पियहि चलत सुख नीद कों करत संकलप नैन ॥ १९४॥ जिहि ब्राह्मन पियगमन को सगुन दियो ठहराइ सजनी ताहि बुलाइ दे प्रानदान छै जाइ ॥ ६२५ ॥ अरी नींद आवे चहें जिहि हग बसत सुजान देखी सुनी धरी कहूं दो असि(२)एक मयान ॥ ५२६॥ मन के संग जु नैन चिल देख आवते तोहि तो काहे को बिरह यह नित दुख देतों मोहि॥ ५२०॥ अबे इसक के दुरद को मरम न सिकहें पाइ जा तबीब[्] घर आपने मत तूं भरम गमाइ ॥^{५२८}॥ ३ बेद हकीम। १ हाथ। २ तरवार।

१ आज्ञा।

एक दिना में एक पल सकें न पल भर देख बिरह पीर को भावतों कैसे होइ विसेख ॥ ८०६॥ विरह झार तन भसंम भी अवधि पात भये जोग । इहें जान पठयों इहां हमें जोग लिख जोग ॥ ८३०॥ अबलों यह तन राखियो अवध आस कों जोर अब जीवो दुरलभ भयो गरजत घन चहुँ ओर ॥ २३ १॥ सुन पयान घनस्याम को जोग अराध्यो बाल नैन मेखला मैं मनौ गूंथत डोरे लाल सासन (१) चाहत सांस अव अवधि आस गइ बीत। के आइस के आइवो जो राखत पत प्रीत ॥ ५३३॥ जा दिन ते पियगमन किय विरह पोर (२) प्रतिहार (३)। नींद भूख रोक्यों हरष कियों आप अधिकार ॥ निधा विरहिन पे आयो मनो मेन देन तरवाह जुगन नाहीं जामुगी सिलगत व्याहमि व्याह ॥ १३५॥ प्रीतम वीतन विरह की विन तिय जानत नाहि या अन भइ को सो छहै उपजे ताही माहि ॥ ८३६॥ जीवे छैवा जोत को दों उदेह मिलाइ जधों जोग वियोग में अंतर कह ठहराइ ॥ ^{२३०}॥

२ फाटक।

३ द्वारपाल ।

सोरठा ।

प्रगट मिलों तो एक, बिछुरे समता है रहें । साजन करों बिबेक, भलों सँजोग बियोग के ॥^{८३८}॥ दोहा ।

आपिह यह इनसाफ को कीजे प्रान अधार । विरह भार सिह सकत कहुँ हित के झीने तार ॥ न्व्या अभिहोतरी नेन ये मीत दरस के हेत । विरह अभि हिय कुंड में निसिद् आहुति देत ॥ न्व्या विरह तबन (१) तन अति बड़ी वरस स्यामघन आइ । सीतलता सरसे हिये दरद गरद (२) दिव जाइ ॥ न्व्या विरह लगे मन सगिहें जब विरहि अहेरी पास । जाई लेत हैं दौर जब प्रीतम सुवन मवास ॥ न्व्य ॥ विरह समुद बाढ़ों अरे यह गरुआ तक आइ । इह विरियां ऐसे समें तूं गरुआ लग जाइ ॥ न्व्य ॥ घ्यानवर्णन ।

रसिनिधि विन प्रीतम छखे क्यों ये छहते चैन । ध्यान जखीरा जो जमा कर बहि धरते नैन ॥ ८४४॥

बिरह बैर आसा गढ़ी छिके प्रान रनसूर । भर राखे हग ध्यान जल रूप जखीरा पूर ॥^{८८५}॥

१ तपन। २ धूर।

सोरठा।

रहते कौन अधार, दुसह दुर्ग पिय विरह भी । कर न राखते त्यार, ध्यान जखीरा नेन जो॥ १८४६॥

दोहा ।

हिर विछुरत रहते नहीं विरहिन के तन प्रान । अमृत रूप ठहते नहीं जों मनमोहन ध्यान ॥ १८४०॥ कर गिह ध्यान मठाह तूं करतो जों न सहाइ । नेहिन बिरह समुद्र तें कोन काढ़तो आइ ॥ ६४६॥ जदिप सुगिहिरी ठाज ते ठहर सके निहं पाइ । ध्यान निवारे बेठ के भावंता इत आइ ॥ ६४६॥

दरसनवर्गान।

मन हरिबे की ज्यों पढ़े पार्टी स्याम सुजान ।
तो यहऊ पढ़ते कहूं दीवो दरसन दान ॥ ५५० ॥
दरसन को चलतों कहूं जो सुमरन सों काज ।
हग चकोर होते नहीं सिसमुख के मुहताज ॥ ५५० ॥
कसर न मुझ में कुछ रही असर न अब तक तोहि ।
आइ भावते दीजिये बेग सुद्रसन मोहि ॥ ५५० ॥
कियों मीत ने हैं उदों सबही जागे आइ ।
बिरह अँधेरी रेन जहँ उदों उदों होइ जाइ॥ ६५३ ॥

नेही यामें पलत है अरे मीत अभिराम दरस देत तुव गिरह के खर्च होत कछु दाम ॥५५॥ मीता मोतें छेत क्यों जिन मुखचंद छिपाइ ऊंच नीच घर चंद तो उवत एक सो आइ ॥ ५५५॥ जिते नखत बिधि (१) हग तिते जो रच देती मोहि। तृपित न होते वे तऊ निरख भावते तोहि॥ ५५६॥ रसानिधि पल भर होतही भावन्ता पल ओट नहीं सम्हारी जात है यह अनचाही चोट ॥ ५५०॥ हिय घरिया (२) तामें सुमन बिरह आंच सों ताइ । सुबरन कीनों मीत ने बूटी दरस मिलाइ 11 = 1= 11 होती बैदन के करे बिरह बिथा जो दूर काहे को हग ढूंढ़ते दरस सजीवन सुर 11 Eye 11 बिन देखे तुम भावते कछु वै भावति नाहि जन्म अलेखे आइ के लेखे आवत नाहि 11 EÉO 11 नेहीहग जोगी भये वरुनी जटा बनाइ अरे मीत तें दे इन्हें द्रसन भिच्छा आइ 11-5811 दरसन भिच्छा के लिये फेरी दें दें जाइ जोगी तें का घट भयों नेन वियोगी आइ 1126511 २ जिसमें सोना गलाते हैं। १ ब्रह्मा ।

दे अनुरागी दगन कों दरस सजीवन मूर उलफत कीजे बिरह की कुलफत किजे दूर ॥ 📢 ग।। भीजे तन अँसुअनं लखो रिव दुति मुख अभिराम। रसानिधि भीजे बसन को दियो चाहियत घाम ॥ ६६४॥ पाये बिहित अहार कों सब को मन भरि जाइ मन भर देखों मीत को पल भर मन न अघाइ ॥ ६६५॥ यामें अपनी गांठ को कह कछ छोरे देत दरसन छव मांगत हगन क्यों मुख मारे छेत ॥ ६६६॥ जो पल तिकया (१) छोड़ हग सकै न तुव तक आइ। दरस भीख उनकों कहा दीजत नहिं पहुँचाइ॥ ६०॥ नैन श्रवन विच होत तो झगरो नित्त नवीन मीत सुमुख दरसाइ दृग श्रवनन सांचों कीन ॥ ६६८॥ सोरटा। चाहत भांति अनेक, मोहन मुख को द्रसवो विधि (२) चूको विधि एक, रोम रोम हग ना रचे ॥८६६॥ दोहा। श्रवन सुखारे होत हैं सुने सँदेसन वैन

? जहां फकीर रहते हैं उसको मुसलमान ताकिया कहते हैं।

त्रिपत होंइ क्यों दुरस विन रूपअहारी नैन ॥ १७०॥

२ विधाता एक विध चूका।

विरहा ग्रीषम दुपहरी प्यास दुहुन अधिकाति मन बन में लिख लिख जिये नेन लवा इह भांति।। ^{८०} ।।। नितहू आले (१) रहत वे तुव हग घाले घाव द्रस द्वा इनकों कधी प्रीतम आन लगाव ॥ 50२॥ जों इन हग पतियाव (२) निह प्रीतम साहु सुजान। द्रस रूप धन दे इन्हें धर गहने मों प्रान ॥ ८०३॥ मोहन लखि जो बढ़त सुख सो कछु कहत बने न। नेनन के रसना नहीं रसना के नहि नेन ॥ ^{८०४}॥ चाकर हुइ हग रूप के जामिन जा मन दीन दुरस तलव दें भावते बड़ी नवाजस (३) कीन ॥594॥ मिलनवर्गान। गजगत (१) मैं घर प्रथमही फिरत न कतरो जाइ ।

गजगत (१) में घर प्रथमही फिरत न कतरों जाइ। तब यह पहुंचत मीत छों सोजन (५) बदन छिदाइ।। ८०६।। कमला छे के कमल कर लिख गुरुजन की भीर। घरहरि घर जिय ये भमर मिलिह तरुनजा तीर।। ८००।। जुदे रहन मन मिलन की सीख हगन के अंग। सोवत जागत संगही जित चाहों तित सँग।। ८००।।

१ जो घाव सूखता नहीं उसको आले कहते हैं आले नाम गीला।
२ पतियावना = विश्वास करना । ३ कृपा । ४ कपडा़पहि
ले गज से नापा गया फिर सूजन से सिया गया । ५ सूई ।

प्रगट मिले बिन भावते कैसे नैन अघात भूखे अफरत कहुँ सुनै सुरत मिठाई खात ॥ ८०८ ॥ रही कहां चक आइं चित चल पिय सादर देख छोहा कंचन होत तहँ पारस परस विसेख ॥ ^{८=} ॥ मान मनायो माननी मित तें धेरे गुमान जाते पाइन परन कों उने परे सुख जान ॥ ८८१॥ घरिएक (१) को घरियार वह आयो है वरियाइ रे घरियारी 😕 आपनी घरी राख घर जाइ 🤻 ॥ 🖙 ॥ एक एक के अङ्क निल गनती ग्यारा होत मिले चार हम की लखों दुइ मन एके होत ॥ 🖙 ॥ व्यापी होती जो तुमें मिल विछुरे की पीर मिल के पलक न विलुरते जैसे पय अरु नीर ॥ 🗝 ॥ सिखे आपने हगन सें इकताई की बात जुरो डोठ इक सँग रहे जद्दपि जुदे दिखान ॥ ८८५॥ में जानी रसनिधि सही मिळी दुहुनि की बात जित हग तित चित जात है जित चित तित हग जात॥ बड़ों मीत तुव मिलन को चित राजी को चाव इतराजी (४) मत कर अरे इत राजी (५) है आव ॥८८७॥ १ एक घड़ी को यार घर ऋाया। २ घंटा बजानेवाला।

३ घर पाय राख अथात् न वजाव। १ नाराजी। ५ यहां राजी हो आव।

जलकन तिलकन पलक में कहु आली केहि हेत भावन्ता छिं विरह को नैन तिळांजुिळ देत ॥===॥ नहि राती है प्रीति सौ है अरात (१) ये रात प्रीतम के संजोग में क्यों बनही बड़ जात ॥ टट्ट ॥ लगत कमलदल (२) नेन जल झपट लपट हिय आइ। विरह लपट अकुलाइ जब भाज हिये ते जाइ॥ ६०॥। मानभावदलन । अमरेया (३) कूकत फिरे कोइल सबे जताइ अमल भयो ऋतुराज 🙉 को रुजू होहु सब आइ ॥ 🗝 💵 कहि कहि तुहि समुझाइये तेरो वाह सयान अर्थ मान को तो समुझ तब कर उनसो मान॥ १६६॥ मैं घन ये उनये (५) लखे नये नये चित चाइ तऊ न ये मानत नये लाल न ये पिराआइ॥ ८८३॥ अरी मधुर अधरान तें कटुक वचन मत बोल तनक खुटाई तें घटे छिख सुबरन को मोल॥ १८४॥ अब इतराजी मत करें मुज बिस राजी राख जब रस जों चाहो लियो सुरँग हिये अभिलाख ॥ २८६॥

१ बैरिन। २ श्रीकृष्ण। ३ श्राम की बाग। ४ बसंत।

५ नये = १ न. पट २. नवीन ३ भुके।

इती बात कों समझ छै तूं अपने मन बाछ (१)। प्रीति दुलारी खुलत है लहि के मगजी लाल ॥⁵²911 इह औसर बरषा समें लिपटत लता तमाल अरी या समें छाछ सों मान कहा जिय वाछ॥ ८६८॥ खिराडतावर्गन । देत जताये प्रगट जो जावक लागी भाल नवनागरि के नेह सों भले वनं हो लाल ॥ ८८६॥ मुँह की हम सों कहत हो जिय को वासों हेत सांचे विन गुनमाल के सांचे कीने देत. ॥ ६००॥ कीनों जिहि मन भावती हरुवा जिहि वरि बास हरि वाहीं जैये भले हरिजाई के पास ॥ ५०१॥ जुही बसत तासों कहूं प्रीति निवारी जाय मौर सिरी दिन दिन चढ़ें सदा सुहागिळ ताय ॥ ९०२॥ भेटे मेटे दाह उर कत मेटत मुख पाट चाहत हू है बाट वह चले जाव यह बाट॥ ९०३॥ मेरेई उर गड़ि गये तेरेई हग छाछ जिन पतियाउँ छखो ईन्हें दूरपन छै के छाछ ॥९०४॥ नये चलन पहिलै हते लये कहा पिट हाल नये नेह सौं फिरत हो कछू नये से छाछ ॥ ६ १ ॥

१ पीले डुपद्दा मे लाल मगजी जैसे अच्छी लगती है।

शिक्षावर्णन । अरी जात है ब्रजहि जो मोहन मुख मत जोइ फिर न छिपाये छिपहिगी इसक (१) मुसक (२) की बोइ॥ मान कही मेरो अरी भूल (३) उते मत जाइ ऐहें लिख ब्रजचंद कीं मन नग नैन गँवाइ॥६००॥ कही न मानी प्रथमह ताकों है फल येह में न कही तूं जिन करै निरमोही सों नेह ॥ ६०८॥ मैं न कही तुहि सौं अरे मत पर सिस के ख्याल । एक ओर कौ प्यार है रे चकोर जंजाल ॥ ६०६॥ हित मित बिन मन धन दिये क्यों कर सिकये पाइ। विन गथ (४) सोदा हाट तें ल्यायों कोन विसाइ ॥६१०॥ मैं न कही तोसों अरे मैन (५) कही मत मान मन मानिक दें आइहें लखि मोहन मुसक्यान ॥ ११॥ नेह पंथ में भावती घरिये पाइ (६) सम्हार सावित हुइ मन आपने मीत रजा अखत्यार ॥ ११॥ में न कहा के बार तुहि मैन कहा मत मान मुहि देखत बहुते छछे इन नै खान खुमान ॥ ८१३॥ प्रथम न बरजों हो तुम्हे मित वाहे पतियाइ चित चोरन कर सौंप चित अब काहे पछताइ॥ ११।।

१ इश्क = लगन प्रीत। २ मुश्क = कस्तूरी। ३ उतै। ४ दाम पूंजी। ५ कामदेव। ६ पैर।

भूलेहूं मत दरद कहु बेदरदिन के पास पीनसवारों कब छहै सरस अतर की बास ॥ ६१५॥ लोकरीतिवर्णन । याही तें यह आदरे जगत माह सब कोइ बोलै जबे बुलाइये अनबोले चुप होइ ॥ ८१६॥ हुका सों कह कोन पे जात निवाही साथ जाकी स्वासा रहत है लगी स्वास के साथ ॥ ८१०॥ मोहन तूं या बात को अपने हिये विचार बजत तमूरा कहुँ सुनै गांठ गठीछे तार ॥ ८१५॥ छवि मुकता लूटन लगे आइ जरा वट पार (१) बैठ बिसूरे सहर के बासी कर कट तार ॥ ८१८॥ जग तरबर तें फल लगे जो लग कांची गात पाके ते फल आपही डारिन तें छुटिजात ॥६२०॥ विन औसर न सुहाइ तन चंदन ल्यावे गार ओसर की नीकी लगे मीता सो सो गार ॥ ६२१॥ चल आयों जे हैं चलों जगत विदित व्योहार गाहि लिये जो बन कन हि रहित ठहर इकप्यार॥ ६२०॥ बार बार नाहि होत है ओसर मौसर (३) वार सों सिर दीवे को अरे जो फिर हुजे त्यार ॥ ८२३ ॥

१ बुढापा। २ कना = अनाज। ३ मैअस्सर होना अर्थ मिलना।

बितचोरन चितचोर में व्योरो (१) इतनो आइ इन्हें पाइ के मारिये उनके लगिये पाय 1883 समे पाइ के लगत है नीचहु करन गुमान पाय अमरपख ^(२) दुजनि छों काग चहे सनमान ॥६२५॥ भूठेही जर जात है याके साखी पांच देखी के काहू सुनी लगत सांच को आंच ॥ ८२६॥ फाग वर्गान। जिन नैनन मैं बसत है रसानिधि मोहन छाछ तिन में क्यों घालत अरी तें भर मूठ गुलाल ॥६२६॥ नेह अतर छवि अरगजा भर गुलाल अनुराग खेळत भरी उछाह सों पिय सँग होरी फांग ॥धरा॥ मुख मीड़त आंजत हगन प्रेम मुदित ब्रजबाल कहत सबे नँदछाछ सौं हो हो होरी छाछ ॥ ६२६ ॥ अन्योक्ति वर्शन । रे कुचीलतन तेलिया अपनो मुख तो हेर सुमननिवासे तिलन कौं काहे डारत पेर ॥ ६३ ॥ अरे बजावत कोन ढिग हित रवाब के तार जुरों जात है आइ के विरहिन को दरबार ॥ ६३१ ॥

२ पितृपक्ष ।

१ ब्योरो = फरक।

१ पशु की जमा।

जिहिं कनैल के फूल की लेत न बास सुहाइ माठी सुमन गुलाब के उनपे मत ले जाइ ॥ ८३२॥ करबी में जो ऊख सम रस सरसाती आइ साजन देते याह क्यों सहसा पसुन (१) खवाइ। ६३३॥ जदिप सुकोल्हू में उने विदित सुपेरी आइ बासे तिलवा सुमनि संग बास न ताकी जाइ॥६३४॥ तन मन तोपे वारिबों यह पतंग को नाम येतेहुँ पे जारिबों दीप तिहारोइ काम चेतन होइ न एक सुर कैसे बने बनाइ जड़ मदङ्ग बेसुर भये मुँहै थपेरे खाइ ॥ ६३६॥ क्कत अवध लवा लिये अरे बधिक बेकाज फिर आवत काहू सुने चाक चढ़े चित बाज ॥६३०॥ अलगरजी घन सौं नहीं सुनियो सन्त सुजान अरजी चात्रिक दीन की गरजी सुनै न कान ॥६३८॥ और कहा देखत नहीं तुव सिसमुख की ओर चोर लियों तें सबन में काहे चित्त चकोर ॥ध्रधा कहा भयों जो सिर धऱ्यों कान्ह तुम्हें करि भाव मोरपँखा बिन और तुम उहां न पैहाँ नाव ॥ ८४٠ ॥

रेचि सिस अविन संघन पवन और अगिन की ज्वाल। ऊंच भीच घर सम लखे दुबिधा तज के लाल ॥^{६८१}॥ होत दूबरों कूबरों सिस तें हर पखवार तोही सों हित राखहीं हम चकोर रिझवार ॥ ८४२ ॥ हरी करत है पुहुमि सब घन तूं रस बरसाइ आक जवासे कीं अरे काहे देत जराइ तोय मोल मैं देत हो छीरहि सरस बढ़ाइ आंच न लागन देत वह आप पहिल जर जाइ ॥८४४॥ लखि बड़वार सुजातिया अनख धरे मन नाहिं बड़े नेन लखि अपून पे नेना सही सिहाहिं॥ ८४५॥ अरे निरदई मालिया फूले सुमननि तोर नैक कसक कर हेरतों प्रीत डार की ओर दुइमन तोल मिलाइ के पुन इकठे कर हेर ये गोहं अरु बाजरे बड़े भाव में फेर ॥ ९४७॥ प्यास सहत पी सकत निह औघट घाटनि पान गज की गरुवाई परी गजही के गर आन ॥९४८॥ ओघट घाट पखेरवा पीवत निरमल नीर गज गरुवाई तैं फिरें प्यासे सागर तीर ॥ ९४९॥ अँधियारी निस बिच नदी तामे भँवर अपार पार जवेया दरद कब लहे रहे या वार ॥ ९५०॥

हरों हरों रँग देख के भूलत है मन हैंफ नीम पतौवन में मिले कहूं भाग को कैफ ॥ ९५१ ॥ धरि सौने के पींजरा राखी असत पिवाइ बिष को कीरा रहत है विपही में सुख पाइ॥९५२॥ कोलत काठ कठोर क्यों होत कमलं में बन्द? आई मो मन भँवर की इतनी बात पसन्द ॥ ९५३॥ धरे जदाप बहु मोल के घरन जवाहिर हुव ऑनद् के ओसर तऊ सीस वांधियत दूव ॥९५४॥ चित चाहन जिहि मुख छहों स्वाद नागरी पान ढाक पात भावत सुनौ तिनकों कहा सजान ॥९५५॥ सवही को पोषत रहे अमृत कला सरसाइ सिस चकोर के दरद कों अजो सकत निह पाइ ॥९५६॥ चार (१) जाम दिन के जिन्हें कलप समान विहात। चंद चकोरन दरस अब दैन लगो अध रात ॥९५७॥ समय पाइ के रूप धन मिलत सबेई आइ बिलस न जाने याह जो समय गये पछताइ ॥९५८॥

१ जिन चकोरन को चार पहर (दिन के) कलप के समान कटते हैं उन्हें तो (चन्द्रमा) स्रव आधीरात को दरसन देने लगा अर्थात् दोपहर स्रोर जादा लगाने लगा।

गुल (१) गुलाब अरु कमल को रस लीन्हों इक ताक। अब जीवन चाहत मधुप देख अकेलो आक ॥६६०॥ काग आपनी चतुरई तब तक लेहु चलाइ जब लग सिर पर देइ नहि लगरसतूना आइ॥६६८॥ जा गुलाब के फूल कों सदा न रँग ठहराइ मधुकर मत पच तूं अरे वासों नेह लगाइ ॥ ६६६ ॥ सब रंगन में नीर तुम मिल के रँग सरसात मीत प्रेम रँग से कही क्यों न्यारे होइ जात ॥ ६०० ॥ उये सोख जल लेत है बिना उये दुख देत कठिन दुहुं विधि कमल को करे मीत (२) सों हेत ॥ ७०॥ जानत सही चकोर कर सिस सौ प्रेम सलुक अमृत सरावी के रसिह समुझिह कहा उलूक ॥^{६७२}॥ मोले मोला कहत हैं फले अम्बिया नाव (३) और तरुन में नृत (४) यह तेरी धन्य सुभाव ॥८०३॥ सिस निरमोही हो भले भोर भये घरजाव दिनकर बिरह चकोर कों मैट न सिकहों दाव।। १०४॥

१ फूल । २ सूरज । ३ जब आम बौराता है तब उसको मोरा बोलते हैं जब छोटा फल लगता है तब अमवा कहते हैं। ५ नूतन = नवीन ।